

壽



詩毛氏傳疏卷二十五

長洲陳奐學

蕩之什詁訓傳第二十五

毛詩大雅

蕩之什十一篇九十二章七百六十九句

蕩八章章八句

蕩召穆公傷周室大壞也厲王無道天下蕩蕩無綱紀  
文章故作是詩也

蕩蕩上帝下民之辟傳上帝以託君王也辟君也疾威

上帝其命多辟傳疾病人矣威罪人矣天生烝民其命

匪諶靡不有初鮮克有終傳諶誠也疏爾雅盪盪僻也盪與蕩同僻當



作辟古邪辟作辟箋蕩蕩法度廢壞之兒與辟義相近  
上帝席君王版傳同辟君釋詰文殷武天命多辟傳同  
疾威平列傳云疾病人威罪人箋疾病人者重賦斂也  
威罪人者峻刑法也辟邪辟箋云其政教又多邪辟不  
由舊章說苑至公篇夫公生明偏生暗端慝生達詐偽  
生塞誠信生神夸誕生惑此六者君子之所慎也而禹  
桀之所以分也詩云疾威上帝其命多僻言不公也三  
家詩上帝亦指君王與毛訓異義同○諶誠爾雅釋詁  
文說文作忱古諶忱通烝烝也其命匪諶即冢上其命  
多辟句言天生此天下之眾民何其政教之不誠也靡  
不有初鮮克有終所謂不誠也版靡聖管管  
不實于宣傳宣誠也版蕩二詩文義相同

文王曰咨咨女殷商傳咨嗟也曾是彊禦曾是培克曾

是在位曾是在服傳彊禦彊梁禦善也培克自伐而好

勝人也服服政事也天降滔德女興是力傳天君滔慢

也疏咨讀為茲說文茲善也嗟與善同咨茲雙聲咨嗟  
亦雙聲單言曰嗟亦曰咨參言曰咨髮爾雅嗟咨

髮也咨髮即茲嗟廣韻茲嗟憂聲也亦曰嗟茲或作  
茲綢繆傳子兮者嗟茲也咨茲茲字異而義同箋  
云厲王弭謗穆公朝廷之臣不敢席言王之惡故上陳  
文王咨嗟般紂以切刺之○傳訓彊為彊梁禦為禦善  
禦當也禦善即彊梁禦與禦猶培與克雖分釋而實同  
義繁露必仁且知篇其強足以覆過其禦足以犯詐強  
與彊通下文彊禦多對烝民不畏彊禦左傳所稱彊禦  
已甚吾軍帥彊禦竝義同一曰彊梁墨子魯問篇彊梁  
不材莊子山木篇從其彊梁大玄彊莫不彊梁皆古有  
此語培者伐之假借字傳以自伐釋培以好勝人釋克  
自伐勝人二義實一意也孟子告子篇培克在位趙注  
云培克不良也此與傳義相通唯釋文培克聚斂之說  
非傳義正義云釋詁服事也且在服與在位對文故知  
服政事謂非徒備官又委任之也○天君釋詰文君亦  
王也天謂之君上帝謂之君王其意一也說文犛牛徐  
行也讀若滔滔犛聲義俱近古惰慢作慢慢德言其德  
教之慢即蕩蕩之意也女女  
彊禦培克之臣也力猶疾也

文王曰咨咨女殷商而秉義類彊禦多懟流言以對寇



攘式內傳對遂也侯作侯祝靡屈靡究傳作祝詛也屈

極究窮也疏類乘操也義類皆善也而之言自也而秉義

傳而角自用也彼無角而自用其角此不善而自用其

善意正相同十月之交傳皇父甚自謂聖意亦同說文

對對為遂爾雅遂遂作也對讀與遂同皇矣江漢傳皆

對寇攘式內此承多對而言民多相怨則謫言羣作而

寇盜攘竊之禍用亂於內矣列女傳孽嬖篇引詩釋之

云言不善之從內出也召旻孟賊內訂傳訂潰也亦此

義也祝讀為訓詁亦訓也傳文作祝連文成義侯作侯

讀祝詛二字以釋經之祝字則作祝連文成義侯作侯

祝侯作祝也侯維也猶有也猶云是剝是菹是剝菹也

爰始爰謀爰始謀也迺宣迺宣畝也克禋克祀克

禋祀也匪紹匪游匪紹游也皆以弟一字為語詞弟三

字為助詞此其句例極節南山同究窮鴻雁同靡屈

靡究言無終極無窮已也箋云王與羣臣並爭而相疑

日祝詛求其凶咎無極已

文王曰咨咨女殷商女魚休于中國斂怨以為德傳魚

休猶彭亨也不明爾德時無背無側傳背無臣側無人

也爾德不明以無陪無卿傳無陪貳也無卿士也疏魚

彭亨皆疊韻劉逵注魏都賦引詩作咆休說文繫傳作

咆哮竝同箋云包休自矜氣健之兒易大有釋文引干

寶注云彭亨驕滿兒斂怨以為德怨即上章之彊禦多

○禮記文王世子篇記曰虞夏商周有師保有疑烝設

四輔及三公不必備唯其人語使能也書大傳古者天

子必有四鄰前曰疑後曰承左曰輔右曰弼此傳以無

背為背無臣無側為側無人者背謂後也三十二年左傳



斲朝涉剝孕婦脯鬼侯醢梅伯然所以不亾者以其有  
箕子比干之故微子去之箕子執囚為奴比干諫而外  
然後周加兵而誅絕之故曰有諤諤爭臣者其國昌有  
默默諛臣者其國亾詩曰不明爾德時無背無側爾德  
不明以無陪無卿言文王咨嗟痛殷商無輔弼諫諍之  
臣而亾天下矣韓詩與毛詩同義漢書五行志中詩云  
爾德不明以亾陪亾卿不明爾德以亾背亾仄言上不  
明暗昧蔽惑則不能知善惡親近習長同類亾功者受  
賞有罪者不殺百官廢亂其引詩與  
今本誤倒晉書亦誤顏注可證也

文王曰咨咨女殷商天不洎爾以酒不義從式傳義宐

也既愆爾止靡明靡晦式號式呼俾晝作夜傳使晝為

夜也疏釋文引韓詩云飲酒閉門不出客曰洎文選七

眾寡謂之沈閉門不出客謂之洎案此析言之也渾言

沈洎同義箋天不同女顏色以酒正義引鄭注酒誥云

飲酒齊色曰洎鄭以顏色釋洎字本韓詩義宐烝民同

箋云式法也有沈洎於酒者是乃過也不宐從而法行

之○愆過也止威儀容止也風雨傳云晦昏也呼亦號  
也碩鼠賓之初筵傳竝云號呼也崔集注作諱漢書敘  
傳引詩作諱俾釋文作卑云後皆同俾訓使綠衣天保  
同作訓為清人同號呼承既愆爾止句使晝作夜即承  
靡明靡晦句也晏子襍下篇晏子謂田桓子曰無客而  
飲謂之從酒今若子者晝夜守尊謂之從酒也與詩義  
正合說苑貴德篇人之鬪誠愚惑失道者也詩云式號  
式呼俾晝作夜言鬪行也此三家義荀子榮辱篇不引  
詩當冢上飲  
酒無度而言

文王曰咨咨女殷商如蜩如蟴如沸如羹傳蜩蟬也蟴

蠓也小大近嚙人尚乎由行傳言居人上欲用行是道

也內異于中國覃及鬼方傳吳怒也不醉而怒曰吳鬼

方遠方也疏蜩蟬小弁同夏小正五月唐蜩鳴傳唐蜩

者析言之也渾言之則蜩亦名唐蜩詳七月篇漢書五  
行志中詩云如蜩如蟴如沸如羹言上號令不順民心



虛譁憤亂則不能治海內顏注云謂政無文理虛言躄  
 沓如蝸蟻之鳴湯之沸涓羹之將熟也案此謂政令之  
 憤亂毛意亦然也。傳假尚為上陟帖又假上為尚古  
 尚上聲通由訓用君子陽陽同謂厲王居乎眾人之上  
 不念禮法欲用行其道是以無小大事日近喪也此  
 十四年左傳師曠曰天之變民甚矣豈其使一人肆於  
 民上以從其淫而棄天地之性必不然矣是其義也此  
 言厲王之無道也說文大部彘壯大也從三大三日二  
 目為彘三目為彘益大也一日迫也讀若易慮義詩曰  
 不醉而怒謂之彘疒部癡滿也從疒彘聲彘癡聲義皆  
 近淮南墜形注引詩作彘今隸變作彘與為怒不醉而  
 怒傳又申說怒之義也葛覃傳覃延也鬼方與中國對  
 文中國諸夏之國則鬼方為諸夏之外史記楚世家周  
 夷王時熊渠立三子康紅疵為王及厲王暴虐熊渠畏  
 其伐楚亦去其王至熊渠之孫熊勇六年而周人作亂  
 厲王出奔彘案此亦厲王怒延遠方之一證稽其年歲  
 尚在諸侯叛周之前傳云鬼方遠方抑用邊蠻方傳  
 邊遠也兩詩意正同與高宗伐鬼方指氏羌者異

**文王曰咨咨女殷商匪上帝不時殷不用舊雖無老成**

**人尚有典荆曾莫聽大命以傾**  
匪非也上帝天也時善也是也舊舊章也匪上帝不時言非天帝之不善是也與左傳云君與大夫不善是也句法相同殷不用舊言殷不用舊章耳故

**文王曰咨咨女殷商人亦有言顛沛之揭枝葉未有害**

**本實先撥**  
顛什沛拔也揭見根貌般鑿不遠在夏后

**之世**  
顛讀為蹶沛讀為跋拔與跋通說文蹶跋也跋蹶也蹶也蹶跋本字顛沛假借字馬注論語里仁篇

云顛沛偃什也顛沛蓋古語傳文顛什沛拔也五字當  
 作顛沛顛什沛拔也七字與上傳彊禦彊梁禦善也賓  
 之初筵傳號呶號呼呶謹也皆是統著古語再釋古義  
 同一文法今傳奪顛沛二字當補正揭見根兒釋文作  
 根見根見者其根可見也韓子解老篇樹木有曼根有  
 直根直根者書之所謂柢也柢也者木之所以建生也  
 曼根者木之所以持生也若其根可見則本先撥矣傳  
 以根見釋揭字揆下文本撥為訓韓詩外傳根淺則枝



葉短本絕則枝葉枯詩曰枝葉未有害本實先撥言禍  
福自己出也列女傳孽嬖篇引詩撥作敗字異義同○  
漢書劉向傳詩曰殷鑒不遠在夏后之世亦言湯以桀  
為戒也聖帝明王常以敗亂自戒不諱廢興韓詩外傳  
云夫明鏡者所以照形也往古者所以知今也故夏之  
所以亾者而殷為之殷之所以亾者而周為之故殷可  
以鑒於夏而周可以鑒於殷引詩作鑒與監同

抑十二章三章章八句九章章十句

抑衛武公刺厲王亦以自警也疏武公入相於周而作

也史記十二年諸侯年表武公和元年宣王之十六年至  
平王十三年而卒衛世家武公和四十二年犬戎殺周  
幽王武公將兵往佐周平戎甚有功周平王命武公為  
公五十五年卒據史記平王始命武公為公武公於厲  
王時未為諸侯幽王時雖諸侯不聞為周卿士則入相  
於周斷在平王之世入相而作賓之初筵刺幽王作抑  
刺厲王兩詩皆作於平王時而序云刺厲王者本作詩  
之意而言取殷鑒不遠之義因遂附於蕩篇後正義以

為追刺厲王是矣正義引楚語咎衛武公年九十有五  
矣有箴徹於國曰自卿以下至於師長士苟在朝者無  
謂我老而舍我於是乎作懿以自儆案懿即抑也抑為  
假借字徹與警通武公作抑已在老年詩作於平王之  
世其一證也序云亦以自警者與國語合賓之初筵  
韓詩序云飲酒悔過則亦為自警而作兩詩意正同  
抑抑威儀維德之隅人亦有言靡哲不愚傳抑抑密也  
隅廉隅也靡哲不愚國有道則知國無道則愚庶人之

愚亦職維疾哲人之愚亦維斯戾傳職主戾罪也疏抑

密爾雅釋訓文傳文廉下從正義本補隅字隅廉隅與  
靜女靜貞靜楚茨度法度同其句例箋云人密審於威  
儀抑抑然是其德必嚴正也古之賢者道行心平可外  
占而知內如宮室之制內有繩直則外有廉隅此鄭申  
毛之訓也又禮記儒行篇云近文章砥厲廉隅○國有  
道則知國無道則愚論語公冶長文傳引之以釋經靡  
哲不愚句瞻印傳哲知也厲王無道故無哲人而不愚  
也韓詩外傳比干諫而外箕子曰知不用而言愚也殺



身以彰君之惡不忠也二者不可然且為之不詳莫大焉遂被髮佯狂而去君子聞之日勞矣箕子盡其精神竭其忠愛見比干之事免其身仁知之至詩曰人亦有言靡哲不愚箋言賢者皆佯愚不為容貌如不肖然蓋本韓以明毛也職主悉蟀十月之交同箋云眾人性無知以愚為主言是其常也案鄭以是其常釋經維疾二字疾無常義疑鄭所據詩不作疾疾當為夷字之誤也皇矣瞻仰傳竝云夷常也夷戾入韻古同部疾戾古不同部爾雅戾戾也古罪辜通用箋云賢者而為愚畏懼於罪也

無競維人四方其訓之有覺德行四國順之傳無競競

也訓教覺直也訂謨定命遠猶辰告傳訂大謨謀猶道

辰時也敬慎威儀維民之則疏無競競執競傳同昭元

人善矣左亦以無為發聲又哀二十六年傳引詩而釋之若得其人四方以為主人謂得賢人烝民烈文傳皆云訓道也教道義相近禮記緇衣引詩覺作枯王注楚辭九歎訓覺為較何注隱六年公羊傳云古者諸侯有

較德案較德即覺德爾雅枯較直也竝字異而義同箋訓覺為大用列女魯義姑姊傳義繁露郊祭篇釋詩訓覺為著皆本三家而意實相通○訂訓大謨謀爾雅釋詁文成十三年左傳劉康公曰民受天地之中以生所謂命也是以有動作禮義威儀之則以定命也能者養以之福不能者敗以取禍案詩此章承首章抑抑威儀維德之隅為言則定命當依左為說傳訓遠猶為遠道辰告為時告言賢人能以遠大之道時警告之也襄三十一一年傳衛北宮文子曰詩云敬慎威儀惟民之則民所不則以在民上不可以終有威而可畏謂之威有儀而可象謂之儀君有君之威儀其臣畏而愛之則而象之故能有其國家令聞長世臣有臣之威儀其下畏而愛之則而象之故能守其官職保族宐家順是以下皆如是是以上下能相固也

其在于今興迷亂于政顛覆厥德荒湛于酒女雖湛樂

從弗念厥紹罔敷求先王克其明荆傳紹繼其執荆法

也疏箋云于今謂今厲王也邶谷風傳愾興也興與愾同義箋謂尊尚小人義亦相近顛覆厥德荒湛于



酒卽蕩篇所云天不酒爾以酒不義從式也女女厲王也民勞玉女指厲王與此同釋詞云雖維也古雖維聲通書無逸篇云惟耽樂之從文義正與此同紹繼釋詁文罔無也無不也爾雅雅拱執也共古拱字判法文王我

同將

肆皇天弗尚如彼泉流無淪胥以亾傳淪率也夙興夜

寐洒埽廷內維民之章傳洒灑章表也修爾車馬弓矢

戎兵用戒戎作用邊蠻方傳邊遠也疏肆故今也義見

尚右也右通作祐易无妄傳天命不祐義與此同淪率

雨無正同釋詞云無發聲無淪胥以亾淪胥以亾也言

皇天弗尚禍亂日生如泉水之流滔滔不返周之君臣

將相率而底於敗亾也○洒灑山有樞同章讀同彰故

傳訓表也雨無正傳云戎兵也戒讀如左傳季氏戒都

車之戒邊遠釋詁文潛夫論勸將篇引詩作逃說文逃

遠也古文作邊蕩傳鬼方為遠方意與此同案此言厲

王無道以致亾國凡長民者急宜修理內政扞禦外難

共相警戒從此以下為自警之詞

質爾人民謹爾侯度用戒不虞傳質成也不虞非度也

慎爾出話敬爾威儀無不柔嘉白圭之玷尚可磨也斯

言之玷不可為也傳話善言也玷缺也疏質成天係絛

成平一義之申人民當作民人爾雅注引詩質爾民人

說苑修文篇告爾民人鹽鐵論世務篇詰爾民人皆作

民人可證告誥三家詩義侯維也語詞傳云不虞非度

者虞度也古不非同言有平治民人之責者宜皆謹女

之度以戒非度也書微子云卿士師師非度周語念前

之非度韋注云度法也竝與傳非度同○話善言版同

字當作話箋云言謂教令也柔安嘉善也玷俗刮字說



無易由言無曰苟矣莫捫朕舌言不可逝矣傳莫無捫持也無言不讎無德不報傳讎用也惠于朋友庶民小

子子孫繩繩萬民靡不承疏君子陽陽傳云由用也小

由為用苟讀如不苟訾之苟韓詩外傳云無類之說不贊之辭君子慎之是其義傳訓莫捫為無持者持猶止持也說文捫撫持也撫持即止持逝者往也言無有止持我之舌者則言不可徑往而不返矣說苑叢談篇云口者關也舌者機也出言不當反自傷也是其義也讎由聲同也舌者兵也出言不當反自傷也是其義也讎由聲同由謂之用故讎亦謂之用說文用可施行也無言不用者言無有言而不施行也此結上文慎爾出話之意無德不報言無有德及於民而民不報以相勸也禮記表記子曰以德報德則民有所勸以怨報怨則民有所懲即引此詩○假樂傳朋友謂羣臣國語所云自卿以下至于師長士皆是也時武公在王朝則朋友為王朝之羣臣矣小子謂厲王也篇中四言小子皆指厲王惠愛也惠于朋友庶民小子言施愛道於朋友下及庶民而

上即以告教小子也下文云子孫冢小子萬民冢庶民子孫厲王為人之子孫也螽斯傳云繩繩戒慎也韓詩傳云承受也言為一人子孫能戒慎其德則萬民其承受之也釋文靡不承一本靡作是箋天下之民不承順之乎言承順也箋不為靡字作解則鄭所據作是字釋詞云不語詞不承承也爾雅是則也萬民是不承則承順之矣不須加乎字以足之

視爾友君子輯柔爾顏不遐有愆傳輯和也相在爾室

尚不愧于屋漏無曰不顯莫予云覲傳西北隅謂之屋

漏覲見也神之格思不可度思矧可射思傳格至也疏

友君子即上章所云朋友也輯和版同遐遠愆過也不發聲不遐有愆與不瑕有害句法正同此言友君子德加於民而能和顏遠過者皆其聞修之所昭著故下文即本承事如祭之禮以考驗其德行荀子所謂行微無怠者也○相視也愧唐石經作媿說文媿或媿字西北隅謂之屋漏爾雅釋宮文傳引之以證詩屋漏之義古



者有設祭西北隅之禮特牲饋會禮佐會徹尸薦俎敦  
設于西北隅几在南扉用筵納一尊佐會闔牖戶降鄭  
注云扉隱也不知神之所在此或諸遠人乎尸諤而改饌  
為幽闇庶其饗之所謂當室之白陽厭也少牢饋會禮曰南面如  
饋之設此所謂當室之白陽厭也少牢饋會禮曰南面如  
官徹饋饌於室中西北隅南面如饋之設右几扉用席  
注云此於尸諤改饌當室之白陽厭也古文扉作菲曾  
子問注云當室之白謂西北隅得戶明者也明者曰陽  
又云祭成人始設奠於奧迎尸於前謂之陰厭尸諤之  
後改饌於西北隅謂之陽厭奠案厭者安也西北隅為  
神主之所安藏文二年穀梁疏云麋信引衛次仲曰宗  
廟主皆用栗祭訖則內於西壁疏云去地一尺六寸昭  
十八年左疏云每廟木主皆以石函盛之當祭則出之  
事畢則納於函藏於廟之北壁之內所以辟火災也引  
白虎通義納之西壁或云西壁或云北壁其義同也士  
虞禮祝反入徹設于西北隅如其設也几在南扉用席  
何休成三年公羊傳注云因新入宮易其西北角穀梁  
傳云魯主於虞吉主於練於練焉壞廟壞廟之道易檐  
可也改塗可也是士虞而納主諸侯練而納主皆在廟  
室之西北隅其後常祭祭末改饌亦於此處矣爾雅屋

漏之義郭璞云未詳孫炎云屋漏者當室之白日光所  
漏入孫本鄭禮注作解舍人云古者徹屋而北扉以炊  
浴汲者訖而復之古謂之屋漏也劉熙釋名云禮每有  
親外者輒撤屋之西北隅薪以爨竈煮沐供諸喪用時  
若值雨則漏遂以名之也喪大記甸人取所徹廟之而  
北扉薪用爨之疏云謂正寢為廟神之也案此即劉與  
舍人所本但喪大記謂新外者撤正寢而北扉隱之處  
非即廟室中之西北隅不得混而為一且劉以雨漏作  
解尤為迂遠箋云屋小帳也漏隱也禮祭於奧既畢改  
設饌於西北隅而扉隱之處此祭之末也正義謂漏隱  
釋言文今爾雅作陋漏即陋之假借鄭意以詩之屋蓋  
依板施之形如屋也屋即幄之假借鄭意以詩之屋蓋  
即儀禮之席也詩之隱箋說為長禮記中庸篇君子之  
席謂以席為障使之隱箋說為長禮記中庸篇君子之  
所不可及者其唯人之所不可見乎即引此詩是屋漏為  
人所不可見之地君子之所不可及者其用力正在此也  
傳訓觀為見義本中庸曾子言十目所視亦此謂也○  
格至釋詁文雲漢泮水傳假至也玉篇假至也格今說文  
方傳假至也下失去格篆矣格即格之假借字思齊清  
彳部假至也下失去格篆矣格即格之假借字思齊清



廟竝訓射為厭此舉神之如在以觀友君子修誠之功故中庸引詩而釋之云夫微之顯誠之不可揜如此夫

辟爾為德俾臧俾嘉淑慎爾止不愆于儀不僭不賊鮮

不為則傳女為善則民為善矣止至也為人君止於仁

為人臣止於敬為人子止於孝為人父止於慈與國人

交止於信僭差也投我以桃報之以李彼童而角實虹

小子傳童羊之無角者也而角自用也虹潰也疏也爾

女也女為善釋經辟爾為德句傳為全詩爾字通訓也

俾使也臧嘉皆善也民為善釋經俾臧俾嘉句淑善慎

誠也止至泮水同止讀為在止于至善之至為人君止

於仁五句禮記大學文傳引之以釋經止字之義儀威

儀也廣雅僭差也本毛訓淑慎爾止二句承辟爾為德

即二章所云敬慎威儀也不僭不賊二句承俾臧俾嘉

即二章所云維民之則也昭元年引此詩而釋之以李

為人則者不為人下矣則亦法也投我以桃報之以李

二句借桃李投報以結上文無德不報之意箋云此言

善往則善來人無行而不得其報也墨子兼愛下篇大

雅之所道曰無言而不讎無德而不報投我以桃報之

以李即此言愛人者必見愛也而惡人者必見惡也鹽

鐵論和親篇釋詩亦云未聞善往而有惡來者竝與箋

義合○彼與上文數爾字作對文彼謂助厲王虐之人

蕩篇之彊禦培克皆是也羊之無角者曰童宣八年公

羊傳云而者何難也傳以自用釋經而字之義而詞之

難也用以也自用猶言自以為有角耳即蕩傳彊梁禦

善自伐勝人之義謂彼幼穉無知之人自恃其剛力改

常易度未有不傾覆我國家者也彼童而角與眾穉且

狂句義正同虹讀為訵此假借字也召旻傳訵潰也爾

雅虹潰也顧野王本作訵小子席厲王也民勞戎雖小

子而式弘大版老夫灌灌小子躑躑彼兩詩小子皆席

厲王此以下皆為刺厲王之詞

荏染柔木言緡之絲溫溫恭人維德之基傳緡被也溫

溫寬柔也其維哲人告之話言順德之行傳話言古之



善言也其維愚人覆謂我僭民各有心

疏巧言傳云荏染柔意也柔

木椅桐梓漆也定之方中篇樹之榛栗椅桐梓漆爰伐  
琴瑟然則柔木中琴瑟之木也說文云吳人解衣相被  
謂之緡方音云吳越之間脫衣相被謂之緡絲是緡有  
被義絲者八音之琴瑟也說文云吳人解衣相被謂之  
寬柔也當作兒荀子注作兒小宛溫溫恭人傳溫溫  
和柔兒義各有當也荀子不苟篇君子寬而不侵廉而  
不劇辯而不爭察而不激寡立而不勝堅彊而不暴柔  
從而不流恭敬謹慎而容夫是之謂至文即引此詩傳  
以寬柔詁溫溫正用其師說南山有臺傳云基本也木  
被絲而適用人本德以成行其理一也○話當為詁字  
之誤也釋文引說文作告之詁言云詁故言也是陸所  
見說文據詩作詁言可據以訂正毛以古之善言釋詁  
許以故言釋詁古故詁三字同義也烝民古訓是式傳  
古故也古訓即故訓故訓猶詁言也襄二年前左傳引詩  
告之話言字亦誤  
上章傳云僭差也

於乎小子未知臧否匪手攜之言示之事匪面命之言

提其耳俗曰未知亦既抱子

傳僭假也民之靡盈誰夙

知而莫成傳莫晚也疏王逸楚辭敘詩人怨主刺上曰  
言提其耳風諫之語于斯為切仲尼論之以為大雅是  
漢人竝謂小子席厲王矣未知臧否即下章所謂夢夢  
也示之事提其耳即下章所謂誨爾諄諄也○俗訓假  
與藉同漢書霍光傳光議廢昌邑王引詩藉曰未知亦  
既抱子其字正作藉盈滿也靡盈言財用不滿足也莫  
晚東方未明同凡文易曉者不傳易曉而嫌涉它義則  
或傳之如莫捫之莫訓無莫成之莫訓晚一篇之中字  
同訓異故特著明以別兩莫字不同義此其例也誰誰  
厲王也早知晚成  
言政教之無常也

昊天孔昭我生靡樂視爾夢夢我心慘慘誨爾諄諄聽

我藐藐傳夢夢亂也慘慘憂不樂也藐藐然不入也匪

用為教覆用為虐俗曰未知亦聿既老疏老老也疏爾



厲王也爾雅釋訓夢亂也又僂僂昏也夢僂義相近  
此傳本爾雅夢亂正月視天夢傳王者為亂夢  
屬然兩詩傳義正同我親戚之臣也若召公凡芮之  
月出篇懔懔憂也傳云憂不樂者緣上文我生靡樂立  
訓言憂我生之不樂懔懔然也爾雅慘慘慍也字亦當  
作懔懔。說文諄告曉之孰也重言之曰諄諄中庸注  
作懔懔書大傳作詵詵竝與諄諄同爾雅邈邈也舍  
人注云憂悶也正義引爾雅作藐藐匪用為教覆用為  
虐傳所謂藐藐然不入也與憂悶義相因也借曰  
未知亦聿既老言假謂王年尚幼未知其道宜聽用老  
臣之言今反謂其老老而舍之是即聽我藐藐之意也  
案此章與版四章同意傳訓老為老與彼傳八十曰老  
兩詩傳義亦正同周語周景王謂伶州鳩曰爾老老矣  
知何

於乎小子告爾舊止聽用我謀庶無大悔天方艱難曰  
喪厥國取譬不遠昊天不忒回遹其德俾民大棘疏舊讀

如率由舊章之舊曰喪厥國釋文引韓詩作  
聿古曰與聿通忒變也回遹邪辟也棘急也

桑柔十六章八章章八句八章章六句

桑柔芮伯刺厲王也疏漢書地理志左馮翊臨晉有芮

與商之芮鄰於虞在河東者不同地今陝西同州府朝  
邑縣即周芮伯國書序疏引世本云姬姓厲王時芮伯  
芮良夫也文元年左傳引此篇弟十三章以為周芮良  
夫之詩詩為芮良夫所作傳有明文矣又潛夫論遇利  
篇亦曰周厲王好專利芮良夫諫而不入退賦  
桑柔之詩以諷三家詩亦謂芮良夫刺厲王

菀彼桑柔其下侯甸捋采其劉瘼此下民傳興也菀茂

貌旬言陰均也劉爆燥而希也瘼病也不殄心憂倉兄

填兮傳倉喪也兄滋也填久也倬彼昊天寧不我矜傳

昊天席王者也疏興者隰桑篇隰桑有阿其葉有難傳  
阿然美兒難然盛兒有以利人也桑



葉美盛其庇陰有以利人今將采之則木葉希疏不均  
無足以庇陰是不能利人且病人矣以喻下民之病困  
由於王政之侵刻也苑訓茂苑柳同侯維也傳以陰均  
詰句祭義注陰讀為依蔭之蔭爾雅洵均也洵徧也樊  
光本徇作徇古句聲勻聲通陰均者言依蔭者義與此  
二年左傳舍于翳桑杜注翳桑桑之多蔭翳者義與此  
同茱萸傳將采皆訓取武傳云劉殺也謂殺削枝葉也  
釋文爆爍本又作暴樂爾雅釋詁毗劉暴樂也毛傳本  
爾雅釋經劉字而必益其義云暴樂而希者暴樂猶剝  
落即希疏之意也爾雅釋經劉字而必益其辭云毗  
劉者蓋毗之言庇也殺削枝葉曰劉枝葉可庇人而殺  
削之不能庇是曰毗劉樊光本毗作庇訓蔭得其理矣  
瘼病四月同○於絕也倉喪壘韻為訓滋古祇作茲常  
棣召旻傳竝訓兄為茲填久瞻印同爾雅塵久也古填  
與塵通箋云民心之憂無絕已喪亡之道滋久長是也  
甫田傳倬明兒倬彼昊天猶抑云昊天孔昭耳昊天席  
王者瞻印同鴻雁傳云矜憐也

四牡騤騤旒旒有翩傳騤騤不息也鳥隼曰旒龜蛇曰

旒翩翩在路不息也亂生不夷靡國不泯民靡有黎具  
禍以燼傳夷平泯滅也黎齊也於乎有哀國步斯頻傳

步行頻急也疏傳云騤騤不息謂馬行不息騤然也  
所謂朝夕從事王事靡盬也烝民傳騤騤猶彭彭也周

語引詩章注云騤騤行貌義同鳥隼曰旒龜蛇曰旒出  
車傳同旒旒者戎車之所建也翩翩翩翩也韋注云翩

翩動搖不休止之意義亦同傳云翩翩在路不息則騤  
騤不息亦在路矣釋文作偏本亦作翩翩案此二章及三

四章皆刺王暴虐以致參用兵革無有止息也○夷訓  
平不平即亂也成十六年左傳國人口若之何憂猶未

弭而又討我寡君以亾曹國社稷之鎮公子是大泯曹  
也杜注云泯滅也是泯有滅義滅殘滅也黎齊疊韻為  
訓荀子王制篇先王惡其亂也故制禮義以分之使有  
貧富貴賤之等足以相兼臨者是養天下之本也書曰  
維齊非齊此之謂也管子正世篇治莫貴於得齊齊不  
得則治難行故治民之齊不可不察也竝與傳齊訓同  
齊猶治也民靡有黎言民無有能齊之者也具俱也燼







句以就韻。○案史記秦本紀秦仲立三年周厲王無道諸侯或叛之而戎反王室滅犬丘大駱之族後漢書西羌傳厲王無道戎狄寇掠乃入犬丘殺秦仲之族王命伐戎不克凡此皆厲王時所有邊坐之禍見諸史策可攷者如此箋易圍作禦云甚急矣我之禦寇之事或本三家而與傳實無異也正

義以為傳箋異失之

為謀為愆亂况斯削傳愆慎也告爾憂恤誨爾序爵誰

能執熱逝不以濯傳濯所以救熱也禮所以救亂也其

何能淑載胥及溺疏說文云慮難曰謀愆慎也慎者慎

用禮也况當作兄首章倉兄填兮傳云兄茲也為靖謀

為劫愆當今日兵亂日茲邊坐生患尤亟思有以救之

也下文告爾憂恤四句冢為謀為愆言其何能淑二句

冢亂兄斯削言○爾女厲王也恤亦憂也憂恤即指

上三章用兵禍亂之事箋訓序爵為次序賢能之爵又

謂公侯伯子男卿大夫士也詩云誨爾序爵言教王以

賢否之弟次也傳意當同傳云救亂宋本救作愆正義

云以濯救熱喻以禮救亂正義作救不誤襄三十一年

左傳衛北宮文子引詩而釋之云禮之於政如熱之有

濯也濯以救熱何患之有案此傳所本也孟子離婁篇

今也欲無敵於天下而不可以仁是猶執熱而不以濯也

亦引此詩孟子言仁即左傳之言禮正義云必賢人乃

能行禮故箋云治國之道當用賢以申足傳意是也墨

子尚賢中篇爵位不高則民不敬也蓄祿不厚則民不

信也政令不斷則民不畏也故古聖王高予之爵重予

之祿任之以事斷予之令夫豈為其臣賜哉欲其事之



辱以陷於外傳令民相伍有罪相伺有刑相舉使構  
外矣韓詩外傳令民相伍有罪相伺有刑相舉使構  
造怨仇而民相殘傷和睦之心賊仁恩害士化所和者  
寡欲敗者多於仁道泯焉亦引此詩溺謂民陷溺即上  
文所謂民靡有黎具禍以蓋也趙岐注孟子王肅述毛  
竝以為君臣陷溺趙注云刺時君臣何能為善乎但相  
與為沈溺之道也王肅與趙注同鄭箋同

如彼遡風亦孔之僂民有肅心莽云不逮好是稼穡力

民代會傳遡鄉僂吧莽使也力民代會代無功者會天

祿也稼穡維寶代會維好疏遡鄉公劉同鄉今之向字

傳懇向之也與今本異僂吧爾雅釋言文荀子禮論憚  
詭吧僂能無時至焉楊注云吧僂氣不舒憤鬱之貌單  
言僂象言吧僂故爾雅毛傳並以吧釋經之僂也說文  
繫傳引詩作亦孔之恚恚本字僂假借字吧古祇作邑  
肅敬也莽讀為譎說文譎使也釋文莽或作伴遊古作平  
使也或疑詩本作併集韻云併使也或作伴遊古作平

萃通作捫而無莽字可證又爾雅捫使也郭注云皆見  
詩是三家詩有作捫也逮及也鄉風孔僂以喻民重稼  
穡之事而不及時者有使之然也○鄭箋於此章好是  
稼穡稼穡維寶作家嗇云居家吝嗇下章稼穡卒痒始  
作稼穡解王肅讀此章兩言家嗇為稼穡與下章稼穡  
一例則家嗇為稼穡之壞字如日子不戕王以為臧之  
壞字竝與鄭訓不同今細釋經傳文義依王說作稼穡  
是也傳云代無功者會天祿釋經代會之義王肅云當  
好知稼穡之艱難有功力於民代無功者會天祿有功  
力於民釋經力民之義以述明傳意也韓詩外傳晉平  
公之時藏寶之臺燒公子晏子獨奉束帛而賀公曰自  
今已往請藏於百姓之間引詩曰稼穡維寶代會維好  
韓詩作稼穡其明證矣稼穡維寶因民之所利而利之  
也代會維好民之所好好之也欲刺王用好利之小人  
故先陳此告誨之詞

天降喪亂滅我立王降此蝨賊稼穡卒痒哀恫中國具

贅卒荒靡有旅力以念穹蒼傳贅屬荒虛也穹蒼蒼天



滅殘滅我我中國也此即弟二章亂生不夷靡國不  
 滅之意立王義未聞或謂天之所立謂之立王滅我  
 立王言殘滅之道本由於王也一說立古位字如小宗  
 伯掌神位故書位作立之比滅我立王瞻印篇云我位  
 孔貶文義與之同也韓詩外傳里克對魏文侯曰數戰  
 而數勝夫差所以自喪於干遂引詩天降喪亂滅我立  
 王毛韓意當同也此責王之詞○蠹賊以喻貪殘之人  
 也正月傳痒病也思齊傳恫痛也中國國中也贅訓屬  
 贅屬一聲之轉如孟子屬其耆老書大傳作贅之例說  
 文云屬連也案傳文荒虛正義無釋則孔所據毛傳無  
 此訓矣具贅卒荒承上文降此蠹賊稼穡卒痒言之猶  
 云饑饉薦臻耳不作空虛解也召旻篇我居圉卒荒亦  
 承上文瘡我饑饉言之言我邊竟盡饑饉亦不作空虛  
 解也彼箋荒虛也正義云荒虛釋詁文唯某氏本有荒  
 字其諸家爾雅則無之然則訓荒為虛鄭義疑後人依  
 鄭誤增此荒虛二字○力與上章力民代會同義北山  
 旅力方剛經營四方傳旅眾也靡有旅力言今無有一  
 力於民者也穹蒼蒼天爾雅釋天文穹窮也大也窮大  
 之蒼謂之穹蒼黍離傳蒼天以體言之據遠視之蒼蒼  
 然則稱蒼天以念穹蒼即黍離篇所云悠悠蒼天之意

也韓詩外傳云民勞思迭治暴思仁刑危思安  
 國亂思天引詩靡有旅力以念穹蒼毛韓義同

維此惠君民人所瞻秉心宣猶考慎其相傳相質也維

彼不順自獨俾臧自有肺腸俾民卒狂疏也惠順也秉操

訓質讀如質爾民人之質質成也弟三章云君子實維  
 秉心無競即此義也呂覽知度篇人主自智而愚人自  
 巧而拙人高注云自智謂人愚自巧謂人拙即引此詩  
 案高以自獨俾臧為自智自巧而以俾民卒狂為愚人  
 拙人傳義

瞻彼中林牲牲其鹿傳牲牲眾多也朋友已譖不胥以

穀人亦有言進退維谷傳谷窮也疏中林林中說文

重言之則眾多曰牲牲五經文字旒色巾反見詩玉篇  
 旒旒眾多兒是三家詩有作旒旒者也林中見詩玉篇  
 然眾多以喻賢者皆羣退而窮處假樂傳云朋友羣臣  
 也譖當作僭釋文本亦作僭僭差也穀善也言羣臣過



言二十一  
差相與成於善道是不能處朝廷也○谷鞠同聲故  
鞠謂之窮谷亦謂之窮韓詩外傳家石他日鳴呼生亂  
世不得正行劫乎暴人不得全義悲夫乃進盟以免父  
母退伏劍以死其君聞之者曰君子哉安之命矣又楚  
申鳴曰受君之祿避君之難非忠臣也正君之法以殺  
其父又非孝子也行不兩全名不兩立悲夫若此而生  
亦何以示天下之士哉遂自刎而外兩引詩曰進退惟  
谷韓詩亦謂進退兩窮與毛義同晏子問下篇晏子曰  
且嬰聞君子之事君也進不失忠退不失信行不苟合以  
隱忠可謂不失忠不持利以傷廉可謂不失信行叔向日  
善哉詩有之日進退維谷其此之謂與谷讀為穀訓善與毛韓義異

維此聖人瞻言百里傳瞻言百里遠慮也維彼愚人覆

狂以喜匪言不能胡斯畏忌疏瞻言百里蓋古有此語

讒閱侮人百里韋注云百里喻遠也傳文遠慮上奪言  
字言遠慮者以釋經義論語衛靈公篇云人無遠慮必  
有近憂韓詩外傳云由此觀之聖人能知微矣即引此  
詩遠慮猶知微也覆反也狂即俾民卒狂之狂覆狂以

喜言使民反入於狂而猶自以喜此愚人之所為也愚  
人謂助厲王虐者下文忍心不順貪人皆是也○匪言  
不能胡斯畏忌匪非也言非言之不能何其畏忌而不  
言也周語厲王得衛巫使監諛者以告則殺之國人不敢  
言道路以目案此即畏忌昭二十五年左傳為刑罰  
士虞記夙興夜處小心畏忌昭二十五年左傳為刑罰  
威獄使民畏忌以類其震  
曜殺戮竝與此畏忌同

維此良人弗求弗迪傳迪進也維彼忍心是顧是復民

之貪亂寧為茶毒疏迪進爾雅釋詁文弗求弗迪言不

忍心是顧是復此良人則無干進之志彼忍心之人惟

是瞻顧反復無常德也上章云維此聖人瞻言百里維

彼愚人覆狂以喜言聖人有遠慮而愚人但知自喜用

事下章云維此良人作爲式穀維彼不順征以中垢言  
良人為善而彼不順之人則惟闇冥是行也文義相同  
○茶苦菜因之凡苦曰茶茶毒即亂周語大子晉曰  
詩曰四牡騤騤旒旒有亂而不惕所殘必多其飾彌章  
之貪亂寧為茶毒夫見亂而不惕所殘必多其飾彌章



民有怨亂猶不可遏又荀子儒效篇凡人莫不欲安榮而惡危辱故唯君子為能得其所好小人則日徼其所惡亦引此詩是其義也周語厲王虐國人謗王召公告王曰民不堪命矣王弗聽於是國人莫敢出言三年乃流王于彘案此三年即厲王之三十七年也厲王之亡自國人故芮伯遠慮先知乃作此危激之詞寧猶胡也寧為荼毒與胡為虺蜴句同

大風有隧有空大谷傳隧道也維此良人作為式穀維

彼不順征以中垢傳中垢言闇冥也疏說文無隧字疑古本作遂初學

記天部上引詩作遂潛夫論過利篇言是大風也必將有遂其所據詩當亦作遂可證白駒在彼空谷傳空大也是空亦大也遂訓道行道也大風喻不順之人大風行於空大之谷猶不順之行闇冥也下章以大風喻貪人箋大風之行有所從而來必從大空谷之中喻賢愚之所行必由其性鄭意下文良人與不順之人並言故以賢愚為喻不知章義但說不順之人而連及良人猶上二章因言愚人而及聖人因言忍心之人而及良人

耳○式用穀善言良人之作為皆用以善道也穀與垢相對成義箋征行也說文垢濁也中垢者內濁不清之謂相鼠傳云無禮義者雖居尊位猶為闇昧之行闇冥即闇昧也韓詩外傳云故曰以明扶明則升于天以明扶闇則歸其人兩瞽相扶不傷牆木不陷井窞則其幸也詩曰惟彼不順往以中垢闇行也毛韓義同往疑征之誤

大風有隧貪人敗類傳類善也聽言則對誦言如醉匪

用其良覆俾我悖傳覆反也疏貪人好利之人也史記

年好利近榮夷公芮良夫諫厲王不聽卒以榮公為卿士用事王行暴虐侈傲國人謗王召公諫三十四年王益嚴國人莫敢言道路以目三年乃相與畔襲厲王厲王出奔於彘案詩貪人即指榮公之屬史記載芮良夫諫用榮公在三十年國語亦載其事而此詩之作猶在榮公為卿士後其去流彘之年不甚相遠類訓善敗類為敗善善謂善人即上章所云良人也左傳秦伯曰孤實貪以禍夫子正釋詩貪人敗類也是其義○聽言指



貪人誦言指良人王聞貪人聽從之言則對答如流而  
聞良人誦言則則惛然若醉酒不省人事韓詩外傳  
云古之謂知道者曰先生何也曰猶言先醒也不聞道  
術之人則冥於得失不知亂之所由也曰先醒也  
管郭君出郭謂其御者曰子知吾且也乎御者曰然曰  
何不諫也御者曰君喜道諛而惡至言臣欲進諫恐  
先郭也者大賢引詩曰聽言則對誦言如醉毛韓意同  
所以也者大賢引詩曰聽言則對誦言如醉毛韓意同  
也匪猶不也良謂良人也篇中三覆一復一反字義皆  
同故云覆反也說文諄亂也悖與諄通此刺王不用良  
人而信用此好利之徒  
反使我民諄亂若是也

嗟爾朋友予豈不知而作如彼飛蟲時亦弋獲既之陰

女反予來赫傳赫炙也疏此章承上四章而言王信用

朋友而嗟告之也予我也芮伯自我也作爲也飛蟲喻  
眾民弋獲弋取攫獲喻貪忍即下文所謂炙也之猶是  
也蠖蝮傳訓之爲是此其義陰即首章傳所云陰均也  
女女民也釋文及定本集注毛傳皆作炙說文赫大火

兒赫訓炙其引申之義也多猶侵削之也箋距人謂之  
赫鄭讀赫爲莊子以梁國嚇我之嚇與毛不同既之陰  
女反予來赫言我欲是庇陰女眾民乃當時執政者反  
予之志是侵削之也此推本民亂之由以生下二章之  
意

民之罔極職涼善背傳涼薄也爲民不利如云不克民

之回適職競用力疏傳以薄詰涼全詩中薄字皆語詞

極職涼善背罔極猶無良也職主也言民之無良唯主  
以違背爲善也箋涼信也非傳義說文涼事有不善言  
諒也亦非詩義克勝也回適邪僻也言上之人爲民所  
不利如恐不勝是以民之邪僻主彊用力而爲不善也

民之未戾職盜爲寇傳戾定也涼曰不可覆背善言雖

曰匪予既作爾歌疏戾訓定未定亂未定也民亂未定

利猶謂之盜即其義蓋篇末皆說民之作非即上章民  
之貪亂寧爲茶毒之意王肅述毛皆主民言是也下民



禍亂若此則上之失政可知矣涼曰不可覆背善言謂  
民不可則反背而善言之涼曰猶薄言皆語詞無實義  
匪與非同非違也既猶終也爾女也女厲王也雖曰  
匪予既作爾歌此芮伯自明其歌詩以諷刺厲王也

雲漢八章章十句

雲漢仍叔美宣王也宣王承厲王之烈內有撥亂之志

遇裁而懼側身脩行欲銷去之天下喜於王化復行百

姓見憂故作是詩也疏春秋仍叔之子穀梁傳作任叔

通其地無攷

倬彼雲漢昭回于天傳回轉也王曰於乎何辜今之人

天降喪亂饑饉薦臻傳薦重臻至也靡神不舉靡愛斯

牲圭璧既卒寧莫我聽疏械樸傳云倬大也舊本書鈔

注曰宣王遭旱仰天也王念孫云對當為葑爾雅葑大也倬葑聲義皆同雲漢天河也回訓轉讀如水轉流之轉古者天子登靈臺而望書雲物備水旱故宣王於時仰望天河而憂懼早裁也○王宣王辜罪也何罪今之人今之人何罪也薦重節南山同薦通作荐繫露郊祀篇引詩作荐臻至泉水同襄二十二年左傳不虞荐至郭注爾雅引易水荐至是薦臻即荐至也不舉不舉祭也王制山川神祇有不舉者為不敬鄭注云舉猶祭也牲禱牲也天地用牛日月山川以下用羊圭璧禮神之玉也說文瓏禱早玉也為龍文然則禱早有玉矣周禮大宗伯六玉用諸六宗典瑞及考工記玉人之事皆命侯常祀之圭璧而不及禱祭之玉與此圭璧異也節南山傳卒盡也徧祭羣神故云既盡下章傳所謂索鬼神而祭之也昭十八年左傳云卜筮走望不變牲玉與此詩義正同寧胡也聽讀神之聽之聽

旱既大甚蘊隆蟲蟲傳蘊蘊而暑隆隆而雷蟲蟲而熱

不殄禋祀自郊徂宮上下奠瘞靡神不宗傳上祭天下



祭地奠其禮瘞其物宗尊也國有凶荒則索鬼神而祭

之后稷不克上帝不臨耗斁下土寧丁我躬傳丁當也

**疏**正義云溫字定本作蘊釋文蘊本又作熅疑熅即溫

積之為溫積猶小宛箋蘊藉之為溫藉矣釋文引韓詩

素冠篇蘊結之即鬱結矣傳云暑亦謂暑氣也淮南子

天文篇季春三月豐隆乃出以將其雨注豐隆雷也此

豐隆謂雷聲之大詩言隆隆非大雷也箋云隆隆而雷

非雨雷也雷聲尚殷然此即漢書劉向傳所謂無雲

而雷也蟲蟲爾雅作熅熅熏也郭注云旱熱熏炙人釋

文引韓詩作炯炯音徒冬反眾經音義卷四引埤倉云

炯炯然熱兒廣韻引字林云熱氣炯炯用韓詩傳曰炯謂燒草

嚴經音義下如來出現品之二引韓詩傳曰炯謂燒草

與毛說絕異廣雅炯熱也張用韓義然釋文於鬱下云

與毛同而炯下又不詳韓義未審其實說文火部炯炎

也無炯字○於絕也不於不絕也爾雅於致也郭注云

見詩傳疑此詩之異文不眡禋祀致禋祀也不發聲郭

或據三家詩傳耳大宗伯以禋祀祀昊天上帝自郊徂

宮自郊宮也徂語詞禮器魯人將有事於上帝必先有

事於類宮類宮或為郊宮觀禮祭天燔柴祭法燔柴於

泰壇祭天也宮猶壇也月令仲夏命有司為民祈祀山

川百源大雩帝用盛樂鄭注云雩吁嗟求雨之祭也雩

帝謂為壇南郊之旁雩五精之帝配以先帝也春秋傳

曰龍見而雩雩之正當以四月凡周之秋三月之中而

早亦備雩禮以求雨因著正雩此月失之矣天子雩上

帝諸侯以下雩上公周冬及春夏雖旱禮有禱無雩奠

謂詩因旱而禋祀郊宮正是雩上帝之事故篇中言上

帝言昊天言昊天上帝皆謂雩祭也箋以郊宮為二宮

為宗廟徂宮為從郊而至宗廟不知此章不及宗廟董

仲舒引此詩二章在郊祀篇可證○傳云上祭天承上

文而言下祭地祭天必兼祭地耳上下謂天地奠瘞指

上下梁書許懋傳引毛傳云上祭天下祭地奠其幣瘞

其物案此與今本作奠其禮不同幣謂帛也奠其幣瘞

以帛為奠而知祭天燔牲與玉之說誣也物毛物謂牲

體也祭地而瘞其物則知埋玉之說亦誣也一說今本

傳作禮不誤禮物二字互文奠不專指祭天而瘞則專



指祭地也。觀禮祭地。瘞爾雅祭地曰瘞。埋祭法瘞埋於泰折祭地也。金鶚云禮運列祭祀瘞。繒繒為幣。帛瘞為帛。則奠亦宜為帛也。祭天帛宜燔而云奠者。帛必尊之。而非燔於柴上也。毛傳未嘗言牲。玉孔疏以牲玉釋之。非也。郊特牲疏引韓詩內傳。天子奉玉升柴。加于牲上。金誠齋辨之矣。宗尊冕鷩同。靡神不宗。猶云靡神不舉也。周禮大司徒以荒政十有二聚萬民。十有一曰索鬼神。鄭司農注云。索鬼神。求廢祀而修之。雲漢之詩所謂靡神不舉。靡愛斯牲者也。毛傳本周禮故仲師。即本詩以爲說。觀禮祭山。丘陵升祭。川沈大祝。掌六祈。四曰祭。鄭司農注云。祭日月星辰。山川之祭也。春秋傳曰。日月星辰之神。則雪霜風雨之不時。於是乎祭之。山川之神。則水旱癘疫之災。於是乎祭之。杜注昭元年。左傳云。有水旱之災。則祭山川之神。周禮四曰祭。祭為營。營用幣。以祈福祥。祭法雩宗。祭水旱也。鄭注云。宗當為祭字之誤也。雩。祭水旱壇也。然則索鬼神。其即周禮之祭。祭歟。後漢書順帝紀。詔曰。分禱祈。請靡神不祭。錢大昕攷異云。靡神不宗。之宗。三家詩必有作祭者。○后稷南郊配天。故禋祀上帝。又吁嗟后稷也。克能也。王肅謂不能福佑。我是也。臨以言降佑也。繫露郊祀篇云。宣王自以爲

不能乎。后稷不中乎。上帝故有此災。中者得也。不得即不臨之意。非謂臨爲中也。而京舊儒尚知此古訓之法。耗俗耗字。繫露及玉篇禾部。引詩皆作耗。釋文及後漢書竇皇后紀。注引韓詩。耗惡也。惡音好。惡之惡。箋數敗也。六書故。引作傳文。非也。說文。燿訓。敗則數。即燿字。繫露作射。古射數。通其字。作數。其義。毛當訓。厭也。丁當釋文。詰

早既大甚。則不可推。兢兢業業。如霆如雷。傳推去也。兢兢恐也。業業危也。周餘黎民。靡有孑遺。傳孑然遺失也。

昊天上帝。則不我遺。胡不相畏。先祖于摧。傳摧至也。疏

說文推排也。去猶排也。小旻傳。兢兢戒也。恐戒義相近。業業危爾。雅釋訓。文大玄。差次七累。卯業業懼貞安。測曰累。卯業業自危。作安也。是業業爲危矣。召旻兢兢業業。箋同。○正義云。孑然孤獨之貌。言靡有孑遺。謂無有孑然。得遺漏定本及集注。皆云。孑然遺失也。俗本有無字者。誤也。案有無字者是也。小箋云。靡有孑遺。無孑然。



遺失也失同佚孟子萬章篇引詩而釋之云信斯言也  
是周無遺民也靡有孑遺是無遺民之義民困饑饉餓  
死無存此是極盡之詞耳方言廣雅皆云子餘也靡子  
遺即無餘遺毛傳無孑然遺失其意亦同鄭箋云周之  
眾民多有死於者矣幸其餘無有孑遺者言又餓病也  
趙注云志在憂旱災民無孑然遺脫不遭旱災者非無  
民也鄭趙箋注乃孟子以意逆志則可不得據此以釋  
詩辭積溪胡紹勳四書拾義說○女曰雞鳴傳問遺也  
則遺亦問也畏畏天也推至釋詁文方言云推至也推  
楚語先祖謂文武也文武於周較后稷為親胡不相畏  
先祖于推言欲觀冀先祖之神庶幾其至以救此裁耳  
下章云父母先祖胡寧忍予言父母先祖何竟忍予而  
不顧我也皆反覆其詞以著其憂裁之情

早既大甚則不可沮赫赫炎炎云我無所大命近止靡  
瞻靡顧傳沮止也赫赫旱氣也炎炎熱氣也大命近止  
民近死也羣公先正則不我助父母先祖胡寧忍予

**傳**先正百辟卿士也先祖文武為民父母也疏沮止巧

赫盛也言旱氣之盛也說文焯旱氣也苦沃切赫赫聲  
相近或許本三家也大田傳炎火盛陽也火為陽則炎  
為盛是炎炎為熱氣之盛也爾雅炎炎熏也雜詁云無  
若火始燄燄燄與炎通釋文據傳熱下無氣字玉篇赫  
旱也似希馮所據旱下亦無氣字止至也近止近至也  
列女傳續篇知天道之不祐示以大期即傳所謂民近  
死也○傳文先正上奪羣公二字百辟卿士釋經之  
羣公先正非以百辟卿士但釋經之先正也假樂之綱  
之紀燕及朋友百辟卿士媚于天子百辟為諸侯桑扈  
烝民烈文百辟同故傳意以百辟謂羣公羣公即辟公  
卿士謂先正正長也書文侯之命篇亦惟先正克左石  
昭事厥辟鄭注云先正謂公卿大夫也又禮記緇衣篇  
詩云咎吾有先正其言明且清國家以寧都邑以成庶  
民以生誰能秉國成不自為正卒勞百姓此與節南山  
尹氏大師秉國之均文義相同則先正為卿士也案此  
詩言雩祀當祀先世之諸侯卿士在王畿內者司巫注  
云雩早祭也天子於上帝諸侯於上公之神國語說苑  
及五經異義皆有公侯祀百辟百神之文然則諸侯不



祀上帝而天子又得兼祀百辟卿士故月令仲夏命百  
縣雩祀百辟卿士有益於民者以祈穀實百縣詩正義  
引作百官此即天子兼祀之義箋云百辟卿士雩祀所  
及者鄭即本月令以申傳是矣○傳云先祖文武為民  
父母也九字為一句奪復句經文先祖故言先祖文武以  
義云於民則為父母於周則為先祖父母為一故先解先  
其為民父母故稱父母欲見先祖父母所祭之神周立  
祖必知先祖唯文武者以此詩所訴皆所祭之神周立  
七廟親廟四非受命立功不足徧訴上章已言后稷明  
此唯文武耳胡何也寧亦何也盤庚云乃祖乃父乃斷  
棄女不救乃死此  
即忍予之義也

**早既大甚滌滌山川**傳滌滌旱氣也山無木川無水旱

**魃為虐如燄如焚我心憚暑憂心如熏**傳魃旱神也燄

燎之也憚勞熏灼也羣公先正則不我聞昊天上帝寧

**俾我遯**傳滌滌猶脩脩也中谷有蕓傳脩且乾也鷓鴣

詩作菽菽徒歷切玉篇引詩作菽菽云本亦作滌滌疑  
菽之譌徒歷一切正讀如盪滌之滌古攸聲叔聲皆在  
尤幽部叔之平聲同修滌滌之為菽菽小弁蹶蹶即爾  
雅之驚驚其理一也傳云山無木川無水依經言也說  
文云艸旱盡依字言也艸盡則水竭可知晏子諫上篇  
夫靈山固以石為身以草木為髮天久不雨髮將焦身  
將熱說苑辯物篇亦有斯語○後箋云藝文類聚引韋  
昭毛詩答問曰雲漢之詩旱魃為虐傳魃天旱鬼也據  
此似傳本作旱鬼說文魃旱鬼也即用毛傳後漢書皇  
甫規傳注毛傳已作旱神與今本同山海經大荒之中  
有山名不句有黃帝女媧本天女也黃帝下之殺蚩尤  
不得復上所居不雨郭注媧音如旱魃之魃玉篇蚩尤  
引文字指歸云女媧禿無髮所居之處天不雨也案蚩  
與魃同古者求雨以女巫巫其即被除女媧之意歟釋文  
及定本作淡正義本作炎而燎下皆無之字詩小學云  
後漢書章帝紀章懷注引韓詩如炎如焚說文云炎燎  
也蓋毛亦作炎也上文赫赫炎炎本或作憒憒是其明  
證憚讀為瘴大東小明傳皆云瘴勞也勞憂勞也韓詩  
苦也箋猶畏也義竝相近說文中部薰火煙上出也从  
中从黑中黑熏象傳以熏為灼隨經訓也灼焦灼也○



詩述聞云聞猶恤問也與葛藟篇亦莫我聞同寧猶胡也俾當作卑寧卑我遯與胡卑我瘵句同

早既大甚龜勉畏去胡寧瘳我以早憺不知其故祈年

孔夙方社不莫昊天上帝則不我虞敬恭明神宐無悔

怒傳悔恨也疏後漢書蔡邕傳宣王遭旱密勿祇畏無以或加三家詩龜勉作密勿也箋云瘳

病也召旻瘳我饑饉箋同釋文瘳韓詩作疹云重也瘳當作替替曾也言何病我以旱曾不知其何故也噫

喜序春夏祈穀于上帝也又月令孟冬天子乃祈來年於天宗大割祠於公社及門閭此祈年之祭也甫田以

社以方傳社后土也方迎四方氣于郊也此方社之祭也二者以言其不廢常祀也詩述聞云虞猶撫有也廣

雅曰虞有也則不我虞猶言亦莫我有也其四章曰羣公先正則不我助猶虞也故廣雅又曰虞助也○明

神釋文作明祀本或作明神案作明神者依箋誤改箋云我心肅事明神如是蓋言敬祀於神如是非鄭所據

毛詩本作明神也文選張衡東京賦爰敬恭於明神李善注引毛詩作敬恭明神陸機答張士然詩駕言巡明

祀致敬在祈年江淹禱體袁大尉從駕詩恭絜由明祀肅駕在祈年李注又兩引毛詩作敬恭明祀可知唐時

既有此兩本而陸江所云正用詩辭可為作明祀之確證北堂書鈔禮儀部九引毛詩作明祀陳禹謨本改明

神矣此詩云明祀楚茨及信南山詩皆云祀事孔明其義正同敬恭明祀者即上文所謂祈年孔夙方社不莫

也悔恨傳為全詩悔字通訓不必限於首見也黃公紹韻會引說文云悔恨也

早既大甚散無友紀鞠哉庶正疚哉冢宰趣馬師氏膳

夫左右傳歲凶年穀不登則趣馬不秣師氏弛其兵馳

道不除祭祀不縣膳夫徹膳左右布而不修大夫不食

梁士飲酒不樂靡人不周無不能止傳周救也無不能

止言無止不能也瞻印昊天云如何里疏說文散禱肉

禱亂之義假樂之綱之紀燕及朋友傳朋友羣臣也天子燕飲自有一定之綱紀汪龍詩異義引周禮掌



客凡禮賓客凶荒殺禮為此章傳義與假樂同而用義自別  
竊謂此云友即朋友紀即綱紀與假樂同而用義自別  
散無友紀者言朋友本有一定之綱紀今為凶荒各自  
殺禮是即無友紀也散者即無友紀之謂非謂天子燕  
羣臣而凶荒殺禮也歲凶年穀不登以下皆傳釋散無  
友紀之義禮記曲禮下篇歲凶年穀不登君膳不祭肺  
馬不食穀馳道不除祭事不縣大夫不食梁士飲酒不  
樂襄二十四年穀梁傳大侵之禮君食不兼味臺榭不  
塗弛侯廷道不除百官布而不制鬼神禱而不祀此大  
侵之禮也此與毛傳詳略不同或毛公兼引禮記穀梁  
傳隨經作訓抑別有成本或作次貧也○鞫窮也庶眾正  
長謂六官之長也疾本或作次貧也此豕宰為宰夫  
與周禮大宰不同大宰在庶正之中則豕宰為其屬矣  
十月之交家伯維宰鄭司農以為宰夫趣馬師氏膳夫  
已見十月之交篇左右統大夫士而言也鞫哉宰夫即  
下章昭假無贏之意其所以既鞫且次者為諸臣助王  
憂哉出祿餼以振貸飢饉之黎民即以起下文靡人不  
周無不能止也周讀與救同論語雍也篇君子周急不  
繼富孟子萬章篇君之於民也固周之周皆救也箋云  
周為鞫鞫字見周禮鄉師職鞫萬民之囂阨鄭司農云

鞫讀為周急之周大司徒職五黨為州使之相鞫杜子  
春云鞫當為糾案周鞫古今字故先鄭杜皆不從鞫許  
君作說文亦不錄鞫毛詩多古文祇作周為救之假借  
字不必改鞫也止猶已也王肅述毛云無不能而止者  
其發倉廩散積聚有分無多分寡無敢有不能而止者  
言上下同也○箋云里憂也十月之交傳云里病也憂  
病同義釋文本亦作瘳說文  
有悝無瘳里為古文假借字

瞻印昊天有嘒其星傳嘒眾星貌大夫君子昭假無贏

傳假至也大命近止無棄爾成何求為我以戾庶正傳

戾定也瞻印昊天曷惠其寧疏正義云以嘒文連星故

傳亦但云星兒無眾字釋文有眾字小星嘒彼小星傳  
云嘒微兒小星眾無名者說文嘒小聲也引詩有嘒其  
星蓋微小者必眾多玉篇嘒眾星兒與此傳同而其字  
作嘒未詳○假讀為假方言說文皆云假至也泮水同  
爾爾大夫君子也王肅云大夫君子公卿大夫也昭其  
至誠於天下無敢有私贏之而不敷散大夫君子所以



無私贏者以民近於凶當賑救之以全汝之成功案王  
說申毛是也我宣王自我也戾定雨無正桑柔同何求  
為我以戾庶正言今我求雨何獨為我躬亦欲以定庶  
正救裁之成功而已宣王初年在廷諸臣若尹吉甫仲  
山甫召虎方叔之倫俱在庶正之列必有功王祈禱振  
救之者故詩末二章皆言其諸臣勤勞可想見宣王初  
年君與臣一德憂念百姓雖承厲之亂而復箸中興此  
序所謂百姓見憂也○惠愛也寧安也言君臣愛百姓  
如此天何不愛而安之瞻印云瞻印  
昊天則不我惠孔填不寧降此大厲

### 崧高八章章八句

崧高尹吉甫美宣王也天下復平能建國親諸侯褒賞

申伯焉

疏

申申侯也申伯者申侯受命為侯伯也篇中  
所敘命召伯城謝以及錫命之美饒禮之盛

入國之喜樂申侯為侯伯不為二伯鄭箋謂申伯以賢  
入為周卿士則申侯兼二伯之職矣鄭說非也此詩當  
作於采芑南征之後  
在宣王中興初年

崧高維嶽駿極于天維嶽降神生甫及申傳崧高貌山

大而高曰崧嶽四嶽也東嶽岱南嶽衡西嶽華北嶽恆

堯之時姜氏為四伯掌四嶽之祀述諸侯之職於周則

有甫有申有齊有許也駿大極至也嶽降神靈和氣以

生申甫之大功維申及甫維周之翰傳翰榦也四國于

蕃四方于宣

疏

崧禮記及韓詩外傳初學記引詩皆作  
嵩山大而高曰崧爾雅釋山文釋文崧

又作嵩高即崇之或體崧俗字也漢人以大室為崇高  
山應劭風俗通義遂誤以詩之嵩高為中嶽矣經言嶽

傳言四嶽書堯典云歲二月東巡守至于岱宗柴望秩  
于山川肆觀東后五月南巡守至于南岳如岱禮八月

西禮案嶽岳一字天子巡守四方見諸侯於嶽下四方  
故四嶽般序巡守而祀四嶽河海也傳高山四嶽也二

傳義同云東嶽岱者禹貢海岱惟青州海岱及淮惟徐



州青東至海而西至岱徐東北至岱南至淮是岱在禹貢青  
徐二州界中職方氏河東曰兗州其山鎮曰岱山周之  
岱并入於兗矣山名曰岱岱為四嶽之長故尚書謂之  
岱宗在三嶽之東故爾雅謂之東嶽亦為域中山之最  
大故闕宮謂之大山漢書地理志泰山郡博岱山在西  
北今在山東泰安府附郭泰安縣北五里漢博縣地此  
東嶽也云南嶽衡者禹貢荆及衡陽惟荆州荆北及荆  
山南至衡山之陽職方氏正南曰荆州其山鎮曰衡山  
周以漢北為豫漢南為荆而南及衡陽與夏同也地理  
志長沙國湘南禹貢衡山在東南南荆州山今在湖南衡  
州府衡山縣西北三十里漢湘南縣地此南嶽也漢以  
霍山為南嶽故漢人皆舉霍山廣雅天柱謂之霍山岫  
嶽謂之衡山稚讓釋五嶽舉霍山而衡山不列於五嶽  
據漢而言云西嶽華者禹貢華陽黑水惟梁州西傾朱  
圉鳥鼠至于大華華即大華也梁東自河而西之華西北  
至于黑水周無梁州而以蟠冢之東并入豫州岷山之  
南并入雍州故華山在豫州職方氏河南曰豫州其山  
鎮曰華山地理志京兆尹華陰大華山在河南曰豫州其  
志不云梁州山以大華在雍州職方氏在陝西同州府華  
職方矣後漢華陰屬弘農郡今在陝西同州府華陰縣

縣南十里此西嶽也云北嶽恆者禹貢太行恆山在冀  
州域內恆水所出也職方氏正北曰并州其山鎮曰恆  
山地理志常山郡上曲陽恆山在西北并州山禹貢恆  
水所出東入滹今在直隸定州曲陽縣西北百四十里  
漢置上曲陽縣此北嶽也漢避文帝諱改恆山為常山  
○周語云堯用伯禹共之從孫四嶽佐之胙以天下賜  
姓曰姒氏曰有夏胙四嶽國命為侯伯賜姓曰姜氏曰  
有呂此一王四伯唯能釐舉嘉義以有肩在天下守祀不  
替其典案傳義正本國語四伯主掌四嶽之祀述諸侯  
之職堯之時炎帝後姜姓為之伯夷其一伯也堯之四  
伯猶周之二伯下泉傳諸侯有事二伯述職周制分天  
下以為左右二伯分主東西以領八州之方伯左伯率  
東方諸侯右伯率西方諸侯此二伯述職也堯時以四  
伯掌四嶽分主東西南北以領十二州之牧伯行述職  
之事則四伯自在王官故堯典曰咨四岳咨四伯也  
咨十有二牧咨十二州之牧伯也正義謂四岳咨四伯也  
誤矣傳云於周則有甫有申有齊有許也者周語云齊  
許申呂由大姜又云申呂雖衰齊許猶在也亦傳義所  
本也甫即呂呂為姜姓始封之國申亦夏商舊國齊許  
則皆周封之國宣王之世四國猶存詩言錫命申伯耳



申甫連言猶之申呂連言而傳又連及齊許更推廣之  
申之先祖主嶽之祀自堯迄周歷千餘年傳乃撥下生  
申句以發明篇端高嶽之義也駿大極至所謂高也○  
神神靈也云嶽降神靈和氣以生申甫之大功者傳又  
揆下四句立義于蕃于宣即其大功也鄭注孔子閒居  
篇甫申為仲山甫及申伯仲山甫樊侯也後漢書張衡  
傳申伯樊仲實榦周邦此皆三家異說而翰之為榦義  
則同也四國于蕃四方于宣于為也言為蕃四國為宣  
四方也箋云四國有難則往扞禦之為  
之蕃屏四方恩澤不至則往宣暢之

暨暨申伯王纘之事于邑于謝南國是式傳謝周之南  
國也王命召伯定申伯之宅登是南邦世執其功傳召

伯召公也登成也功事也疏文王傳暨暨勉也王宣王

任也中庸踐其位踐或為纘此纘踐聲通之理潛夫論  
引詩作薦聲亦近韓奕云王親命之纘戎祖考無廢朕  
命文義正同○說文邑國也古邑國通稱于邑于謝言  
為國於謝也周禮以東都王畿為土中在東畿之南故

傳以謝為周之南國鄭語史伯曰當成周者南有申呂  
是也此傳云謝周之南國也黍苗傳云謝邑也謝本為  
周南國之邑至宣王之世遷都於此傳意可互見也潛  
夫論志氏姓篇申城在南陽宛北序山之下故詩云暨  
暨申伯王薦之事于邑于序南國為式古謝序聲通蓋  
謂宣王封申伯於序在今漢南陽郡宛縣北序山之下  
也漢人又謂之北筮山漢書地理志南陽郡宛縣申伯  
國有屈申城縣南有北筮山然則漢宛縣申伯故國縣  
南有北筮山此即宣王所封之謝較舊都近南謝在宛  
縣南不在宛縣北矣顧祖禹方輿紀要云河南南陽府  
南陽縣附郭周申國宛縣今府治又云申城府北二十  
里括地志以南陽縣北有申城周宣王舅所封此由誤讀  
潛夫論以宛北連文遂謂申城在南陽縣北顧氏實沿  
括地志之謬又紀要南陽府唐縣謝城相傳周申伯徒  
封于此又河南信陽州羅山縣西北六十里有謝城  
古申伯所都劉昭注續志引荊州記棘陽縣東北百里  
有謝城水經泚水注謝水出謝城北城周迴側水申伯  
之都世祖封樊重少子為謝陽侯即此朱右曾以為此  
皆世本所云任姓之謝或在此以爲申伯之都非是南  
國是式猶下章云式是南邦也箋云式法也○傳以召



伯為召公者謂召伯為天子之三公出為二伯也召公  
召穆公也宅居也烝民王命仲山甫城彼東方傳東方  
齊也古者諸侯之居逼隘則王者遷其邑而定其居蓋  
去薄姑而遷於臨菑也彼詩言宣王命仲山甫為齊遷  
邑定居與此詩言宣王命召穆公為申遷邑定居皆是  
建國親侯之美政小雅黍苗篇正言其事登成爾雅釋  
詁文黍苗云召伯成之又云召伯有成是其義也  
宣十二年穀梁傳云績功也功事也與傳訓同

王命申伯式是南邦因是謝人以作爾庸傳庸城也王

命召伯徹申伯土田傳徹治也王命傅御遷其私人傳

御治事之官也私人家臣也疏爾雅仍因也因亦通訓

讀為壻古文假借字皇矣韓奕良耜傳皆云壻城也徹  
治公劉同江漢錫山土田傳諸侯有大功德賜之名山  
土田附庸此言土田者亦宣王之所錫也○書牧誓篇  
我友邦冢君御事司徒司馬司空孔傳云治事三卿大  
誥酒誥梓材召誥維誥等篇言御事皆為諸侯治事之  
臣此傳以治事之官釋經文之御正與書義合也臣工

嗟嗟臣工嗟嗟保介傳工官也凡大國三卿命於天子  
皆有職司於王室故天子得以敕之命之傅御猶保介  
也諸侯之上大夫卿亦兼孤故春秋陽處父為大傅士  
會將中軍為大傅箋以傅御謂冢宰正義用箋申傅失  
之私人即傅御之私人傅御為諸侯之臣故傳以私人  
為家臣矣禮記玉藻大夫私事使私人擯則稱名鄭注  
云士臣於大夫者曰私人儀禮士相見注云家臣稱私  
有司徹注云私人家臣已所自謁除也大夫言私人明  
不純臣也此皆私人為大夫家臣之證正義謂申伯私  
家之臣亦失之十月之交云皇父孔聖作都于向擇三  
馬以居徂向文義相同

申伯之功召伯是營有倣其城寢廟既成既成藐藐傳

倣作也藐藐美貌王錫申伯四牡躑躑鉤膺濯濯傳躑

躑躑貌鉤膺樊纓也濯濯光明也疏倣作爾雅釋詁文

始而此倣訓作者有倣其城猶上章云以作爾庸也縣  
傳君子將營宮室宗廟為先廡庫為次居室為後故作



城必及寢廟也藐藐美亦釋詁文說文作懇重言之曰  
懇懇通作藐藐既成藐藐句束上起下上文皆言召伯  
定宅之事下文則敘申伯入謝也○泮水傳其馬蹻蹻  
言疆盛也壯即疆盛之義韓奕言王錫韓侯有鈞膺皆  
所以錫命侯伯也鈞膺樊纓采芑同說詳采芑篇云濯  
濯光明也者路車之樊以纓為飾光明言其飾也周禮  
中車金路鈞樊纓以賓同姓以封此錫申伯鈞膺或於  
賓響用之故下章遣申伯路車為封異姓之象路與

王遣申伯路車棗馬傳棗馬四馬也我圖爾居莫如南

土錫爾介圭以作爾寶傳寶瑞也往迓王舅南土是保

傳迓己也申伯宣王之舅也疏棗馬四馬即承上章之  
四牡言也韓奕云韓侯

出祖其贈維何棗馬路車文義相同郭注爾雅引詩介  
作玠說文玠大圭也介與玠通考工記玉人之事命圭  
九寸謂之桓圭長發傳桓大也介與桓竝有大義公所  
執桓圭於鎮圭為小而視信圭躬圭則為大王肅云桓  
圭九寸諸侯圭之大者所以朝天子是也故桓圭亦稱  
介圭矣命申伯錫介圭與韓奕介圭以入觀皆是上公

九命作伯之禮爾雅珪大尺二寸謂之玠爾雅玠圭即  
天子之鎮圭與詩介圭不同箋乃誤合為一耳春官大  
宗伯稱公執桓圭居六瑞之一此即傳訓寶為瑞之義  
也○迓各本作近今訂正小箋云迓己也己與忌同大  
叔于田傳曰忌辭也此傳謂迓者己之假借箋申之曰  
己辭也讀如彼記之子之記王風彼其之子箋曰其或  
作記或作己讀聲相似鄭風鄭箋曰忌讀如彼己之子  
之己蓋其記己忌迓五字同詞之助也己作戊己字今  
本毛詩此及王風鄭風作已止字誤又鄭釋毛云己辭  
也今本仍作迓誤經傳迓誤作近則自唐然矣惟宋廖  
氏本作迓與案箋迓辭也辭當作詞此亦申毛不必改  
己字往迓王舅言王舅往耳迓為句中語助詩曰王舅  
曰王之元舅故知申伯為宣王之  
舅也宣王之母姜姓於傳無聞

申伯信邁王餞于郟傳郟地名申伯還南謝于誠歸王

命召伯徹申伯土疆以峙其粳式遘其行疏再宿曰信

不詳其所枉箋云時王蓋省岐周故于郟云江漢篇于  
周受命箋岐周之所起為其先祖之靈故就之是宣



王命召公必於岐周則其命申伯亦猶然也鄠在岐周之南故受命還謝為所饒道矣地理志右扶風鄠縣今據方輿紀要鄠縣在陝西鳳翔府東南百四十里而故鄠城在縣東北十五里岐山縣在府東五十里而岐陽廢縣在縣東北五十里以此覈之則鄠地在岐周之南相去不過五六十里古者饒必在近郊也箋云還南者北就王命于岐周而還反也謝于誠歸誠歸于謝也○釋文時本又作峙爾雅峙具也峙乃峙之俗又糗糧也郭注云今江東通言糗案此仍冢上四章命召伯宅而以敘申伯載糧就道也下章正言歸謝之事

申伯番番既入于謝徒御嘽嘽傳番番勇武貌諸侯有大功則賜虎賁徒御嘽嘽徒行者御車者嘽嘽喜樂也

周邦咸喜戎有良翰不顯申伯王之元舅文武是憲傳

不顯申伯顯矣申伯也文武是憲言有文有武也疏爾雅釋訓番番勇也傳乃益其義云勇武秦誓番番良士孔傳云勇武番番之良士義與此同番番與嘽嘽並指從

申伯入謝者說故傳又申釋勇武為虎賁之士也魯語天子有虎賁習武訓也諸侯有旅賁禦災害也又楚語衛武公在輿有旅賁之規是諸侯有旅賁也天子有虎賁又有旅賁諸侯但有旅賁有大功則賜虎賁周禮序官虎賁氏下大夫二人虎士八百人旅賁氏中士二人鄭注云不言徒曰虎士則虎士徒之選有勇力者是虎賁與虎賁氏不同虎賁氏官名也虎士即虎賁也繁露爵國篇公侯賢者為州方伯錫斧鉞置虎賁百人書大傳有功者天子一賜以車服弓矢再賜以鬯鬯三賜以虎賁百人號曰命諸侯命諸侯得專征者鄰國有臣弑其君孽代其宗者弗請于天子征之而歸其地于天子可也說苑修文篇與大傳同左傳襄王策命晉侯為侯伯賜之虎賁三百人案此即元戎十乘之制也司馬法革車一乘士十人徒二十人甲士十人十乘則虎賁百人兼車徒二十人十乘則虎賁三百人其制一也既入于謝楚辭七諫注引詩謝作徐或三家字通而遂誤以徐偃王為申伯後也徒徒行者御車者黍苗同故傳訓亦同采芑常武嘽嘽傳訓眾盛此云喜樂者揆下文周邦咸喜而釋之也樂記云其樂心感者其聲嘽嘽以緩又云嘽嘽慢易繁文簡節之音作而民康樂是嘽嘽有



喜樂之義○戎大也翰即首章云維周之翰也翰幹也  
不顯申伯與於赫湯孫句同不於皆發聲元舅大舅也  
憲法也文武是憲言申伯既有文德又有武功足為法  
於天下也六月傳有文有武二傳意同僖三十年左傳  
周公閱曰國君文足昭也武可畏也則有備物之  
響以象其德薦五味羞嘉穀鹽虎形以獻其功

申伯之德柔惠且直揉此萬邦聞于四國吉甫作誦其

詩孔碩其風肆好以贈申伯傳吉甫尹吉甫也作是工

師之誦也肆長也贈增也疏柔安也惠順也小明傳正

韓奕訓庭為直即本此且直為訓說文無揉字釋文揉  
本亦作柔箋云四國猶言四方也○是詩尹吉甫所作  
故傳云吉甫尹吉甫也序箋云尹官氏潛夫論志氏姓  
篇亦云尹者本官名也詳常武篇云尹官氏作是工師之誦也  
者以釋經作誦之義是是詩也丞民箋吉甫作此工歌  
之誦作誦猶言作歌也潛夫論三式篇周宣王時輔相  
大臣以德佐治亦獲有國故尹吉甫作封頌二篇疑三  
家詩此及丞民誦作頌字碩大也肆訓長長讀上聲丞

民穆如清風傳清微之風化養萬物者也二傳義同贈  
增正義崔集注本皆同其詩孔碩句是吉甫自陳作誦  
之意其風肆好句是美申伯之  
詞崔靈恩云增益申伯之美

### 丞民八章章八句

丞民尹吉甫美宣王也任賢使能周室中興焉

天生丞民有物有則民之秉彝好是懿德傳丞眾物事

則法彝常懿美也天監有周昭假于下保茲天子生仲

山甫傳仲山甫樊侯也疏有丞眾物事有終始物即事也

又云致知在格物物格而后知至樂記云人生而靜天  
之性也感於物而動性之欲也物至知之然後好惡形  
焉蓋已形之好惡物在情一邊未形之好惡物在性一  
邊物之本即事之始也則法六月同彝常爾雅釋詁文  
孟子告子篇及潛夫論德化篇引詩作夷皇矣瞻印皆  
假夷為彝懿與抑聲通皆有美義故全詩多假抑為懿



也孟子言性善以才之善仁義禮智之心為說引詩曰天生蒸民有物有則民之秉夷好是懿德孔子曰為此詩者其知道乎故有物必有則民之秉夷也故好是懿德案孟子引孔子釋詩以證性善不涉情一邊也物即才也則即仁義禮智也有一邊說毛傳訓物為事事與才同謂有物有則俱就性一邊說毛傳訓物為事事與才同聲同義意以才訓物恐人不易曉故謂物為事文王篇上天之載無聲無臭傳載事也兩事字義同法猶範也毛傳多引孟子文此毛意亦必用孟子義也常德性也民之秉好性善也韓詩外傳引詩而釋之云言民之秉德以則天也詩上二句天命之謂性下二句率性之謂道也故孔子以為知道矣趙岐注孟子用韓詩而以人法天解有則句誤用韓義○監視也假至也保茲天子生仲山甫言由天保之自天生之也韓詩外傳云子曰不知命無以為君子言天之無仁義禮智順善之心無仁義禮智順善之心謂之小人故曰不知命無以為君子小雅曰天保定爾亦孔之固言天之所以仁義禮智保定人之甚固也觀韓詩可以明保生之義矣○傳云仲山甫樊侯樊國侯爵東都畿內諸侯入為天子卿士

者也國語稱樊仲山甫又稱樊穆仲仲山甫字穆仲諡國語陽有樊仲之官守焉陽左傳作陽樊又作南陽服虔云樊仲山之所居故名陽樊潛夫論志氏姓篇云封於南陽南陽者在今河內郡國志河內郡修武故南陽方輿紀要云河南懷慶府濟源縣西南十五里陽城古陽樊也案樊在東畿河北故曰陽樊在晉國之南故又曰南陽又地理志南陽郡宛縣申伯國潛夫論宛西三十里有呂城呂或作甫故鄭注禮記以仲山甫為甫侯蓋三家詩誤以樊封之南陽即漢之高陽郡耳

仲山甫之德柔嘉維則令儀令色小心翼翼古訓是式

威儀是力天子是若明命使賦傳古故訓道若順賦布

也疏德懿德也二章即承上章民之秉彝好是懿德言仲山甫有此美德也柔安嘉美儀容儀色顏色文

王傳云翼翼然恭敬也成十三年左傳云劉子曰民受天地之中以生所謂命也是以有動作禮義威儀之則以定命也能者養以之福不能者敗以取禍正與詩義同○古故日月同訓道烈文同古故訓道皆釋詁文也



列女傳賢明篇引詩作故箋云故訓先王之遺典也說文云古故也从十口識前言者也訓說教也字又作詰抑傳云詰言古之善言也古故詰三字同式用也法也周語樊穆仲說魯侯曰賦事行刑必問於遺訓而咨於故寔然則仲山甫能用古訓者矣箋云力猶勤也勤威儀者恪居官次不解于位也若順釋言文闕宮同賦讀為敷小旻傳云敷布也

王命仲山甫式是百辟纘戎祖考王躬是保傳戎大也

出納王命王之喉舌傳喉舌冢宰也賦政于外四方爰

發疏仲山甫天子之二伯也式是百辟為天下諸侯作式王制所謂八伯各以其屬屬於天子之老是也

韓奕纘戎祖考傳云戎大也○喉舌冢宰謂喉舌乃冢宰之職非謂喉舌為官名也冢宰即周禮之天官冢宰與書納言不同官也唐虞納言周為內史漢為大司農王莽更為納言非冢宰也漢尚書為少府屬官後漢以太傅上公錄尚書事故後漢書李固傳云今陛下有尚書猶天之有北斗也斗為天喉舌尚書亦為陛下喉

舌斗斟酌元氣運平四時尚書出納王命賦政四海李固謂尚書權尊執重俗用詩喉舌之義而與傳云冢宰究是不同魏志王肅傳疏云唐虞納言猶今尚書也以出內帝命而已漢成帝始置尚書五人公卿尚書各以事進亦與傳異

肅肅王命仲山甫將之傳將行也邦國若否仲山甫明

之既明且哲以保其身夙夜匪解以事一人疏將訓行

也明明命也韓詩外傳云牧者所以開四目通四聰也引詩曰邦國若否仲山甫明之是其義牧即周禮九命作牧也○漢書董仲舒傳云彊勉學問則聞見博而知益明彊勉行道則德日起而大有功詩曰夙夜匪解書云茂哉茂哉皆彊勉之謂也又云周道衰於幽厲至于宣王思管先王之德與滯補弊明文武之功業周道祭然復興詩人美之而作上天祐之為生賢佐後世稱誦至今不絕此夙夜不解行善之所致也董說與弟六章合傳義



人亦有言柔則茹之剛則吐之維仲山甫柔亦不茹剛

亦不吐不侮矜寡不畏彊禦疏方言云茹食也矜當作

詩作鰥寡彊禦漢書王莽傳作彊圍圍與禦通

人亦有言德輶如毛民鮮克舉之我儀圖之傳儀宜也

維仲山甫舉之愛莫助之傳愛隱也衮職有闕維仲山

甫補之傳有衮冕者君之上服也仲山甫補之善補過

也疏四職傳云輶輕也惠棟易微言云如毛猶微也荀

也唯所居以其類至操之則得之舍之則失之操而得

之則輕輕則獨行獨行而不舍則濟矣楊倞注云持至

誠也而得之則易舉也詩曰德輶如毛又彊國篇曰積

微月不勝日時不勝月歲不勝時凡人好敖慢小事者

事至然後興之務之如是則常不勝夫敦比於小事者

矣是何也則小事之至也數其懸日也博其為積也大

大事之至也希其懸日也淺其為積也小故善日者王

善時者霸補漏者危大荒者凶故王者敬日霸者敬時

僅存之國危而後戚之亡國至亡而後知亡至死而後

知死亡國之禍敗不可勝悔也霸者之善著焉可以時

託也王者之功不可勝日也財物貨寶以大為重

政教功名反是能積微者速成詩曰德輶如毛民鮮克

舉之此之謂也楊倞注云引之以明積微至箸之功案

儀當為義釋文云毛作義鄭作儀則陸所據本作義矣

蕩傳義宜也訓同爾雅蕩隱也郭注云見詩或三家

詩作蕩矣靜女愛而不見說文作儂郭注方言作蕩說

文蕩蔽不見也玉篇隱也竝字異而義同愛為古文



欲致天下為之奈何對曰執一無失行微無怠忠信無  
勸而天下自來執一如天地行微如日月忠誠盛於內  
實於外形於四海天下其在一隅邪夫有何足致也竝  
與傳愛隱之義合易微言云毛公用師說故訓愛為隱  
鄭氏不明古義改訓為俗七十子衰而大義並康成大  
儒猶未免矣○衮詳九罭篇經言衮傳言衮冕衮為衣  
冕為垂九旒是君之最上服也衮職司隸校尉魯峻碑  
作緄職玉篇緄織成章也本三家詩義周禮典同鄭大  
夫讀緄為衮冕之衮此衮與昆聲相通之證宣二年左  
傳士季曰詩曰衮職有闕惟仲山甫補之能補過也君  
能補過衮不廢矣案晉靈公繼文襄之業主盟中夏為  
周之上公是靈有衮矣故云能補過衮不廢傳所本也  
衮職謂臣職也有闕補  
之即夔隱莫助之意

仲山甫出祖四牡業業征夫捷捷每懷靡及傳言述職

也業業言高大也捷捷言樂事也四牡彭彭八鸞鏘鏘

王命仲山甫城彼東方傳東方齊也古者諸侯之居逼

隘則王者遷其邑而定其居蓋去薄姑而遷於臨菑也

疏出祖祭道神仲山甫以冢宰而出祖故云言述職也

事有功德於民者加地進律故下文言城齊而遷邑定

居也○業業猶奕奕此及采薇云四牡業業車攻韓奕

謂之業重言曰業業猶大也奕奕一語之轉故大

傳業業然壯也高大者壯之意壯亦大也征夫行人傳

義見皇皇者華篇小雅歌文王為西伯率諸侯而朝聘

乎紂征夫謂諸侯之使臣此言仲山甫為二伯方岳述

職亦必有當方諸侯使臣馳驅周咨之事文義正相同

云捷捷言樂事也者征夫樂此述職之事捷捷然也玉  
篇引詩作捷捷每懷靡及皇皇者華傳云每雖懷和靡  
及自謂無及也鏘鏘當依釋文作將將○城彼東方傳  
即揆下章徂齊為訓故云東方齊也齊在鎬京之東去  
薄姑遷臨菑是即城齊之事而傳又先引古王者遷邑  
之制以明其城齊之所由也昭九年左傳武王克商蒲  
姑商奄吾東土也服注云蒲姑齊也漢書地理志周成  
王時蒲姑氏與四國共作亂成王滅之以封師尚父是







封以樂土賜以盛服也竝用韓義而爾雅釋詁篇齊疾也郭璞引詩仲山甫徂齊則訓疾亦本三家或是魯義歟蓋嵩高封申伯故序云建國親侯亦民仲山甫封齊故序云任賢使能一為外諸侯一為內諸侯兩詩文義顯然讀詩者往往連文言之韓詩外傳言申伯仲山甫輔相宣王申伯仲山甫竝順天下匡救邪失後漢書張衡傳申伯樊仲實幹周邦又劉陶傳周宣用申甫以濟夷厲之荒皆合兩詩為說解詩者知仲山甫以樊侯入為卿士是矣據此申伯亦當以外諸侯而為卿士知申伯出封於謝邑是矣據此仲山甫亦當就封於齊因又誤以仲山甫謂即甫侯古甫呂通甫侯即呂侯則又誤以仲山甫為出封於漢之南陽郡一誤再誤而不可終極也毛詩所以獨行歟○穆美也穆如猶美然也清風正形容仲山甫之有美德故傳釋清風為清微之風又申之為化養萬物者直陳其布政述職之功風動教化之美所以隱括其作誦義也繁露天容篇告之以政令而化風之清微義與此傳同永長懷思慰安也言仲山甫能長思吉甫作誦之意於以安其心

韓奕六章章十二句

韓奕尹吉甫美宣王也能錫命諸侯韓韓侯奕猶奕奕也宣王命韓

侯為侯伯奕奕然大故詩以韓奕名篇此詩當在六月北伐後而作

奕奕梁山維禹甸之有倬其道韓侯受命傳奕奕大也

甸治也禹治梁山除水災宣王平大亂命諸侯有倬其

道有倬然之道者也受命受命為侯伯也王親命之繼

戎祖考無廢朕命夙夜匪解虔共爾位傳戎大虔固共

執也朕命不易榦不庭方以佐戎辟傳庭直也疏說文

也重言之曰奕奕奕奕者篇端美大之詞非謂形容梁山高大書禹貢云壺口治梁及岐此傳訓甸為治之義也漢書地理志左馮翊夏陽故少梁禹貢梁山在西北

龍門山在北案梁山在今陝西同州府韓城縣西北即漢縣夏陽地梁與龍門俱在河西二山比近故禹貢道

河紀至于龍門冀州既載紀治梁梁即呂梁也疏九河



以暢下流之歸而闢龍門鑿呂梁以決上流之勢最為  
 治水急切之功禹隨山道河自東而西由壺口而龍門  
 由梁而岐梁山治周都鎬京之北土盡成沃野小雅信  
 彼南山維禹甸之終南山在鎬京之南渭北之山既治  
 渭南之原隰亦得墾辟成耕一在鎬南之山一在鎬北  
 之山兩詩立言義正相同梁山在王畿東北交界處又  
 為韓侯歸國之所經故尹吉甫美宣王平大亂命諸侯與信  
 即禹治梁山除水災比况宣王平大亂命諸侯與信  
 南山以禹比曾孫成王者其傳意亦正同也鄭箋據漢  
 志梁山在夏陽西北而誤以梁山為韓國之山韓侯為  
 晉所滅之韓近儒能辨韓侯為近燕之韓復據水經灤  
 水注水逕良鄉縣之北界歷梁山南高粱水出焉即為  
 此詩奕奕梁山之證則又誤梁山為近燕矣梁自夏陽  
 之梁山韓自北國之韓侯解者膠泥一處齟齬難通○  
 倬讀為焯見三有俊心之焯傳云有倬然之道也者言  
 宣王有知人之明故韓侯受命也釋文引韓詩作倬倬  
 即焯之異體說文焯明也甫田傳倬明兒倬焯聲同莊  
 元年穀梁傳禮有受命無來錫命范注云周禮大宗伯  
 職曰王命諸侯則擯之是來受命案此即受命之義傳  
 云受命為侯伯也者周禮九命作伯在外州者稱侯伯

在王官者稱二伯其數則皆九命而侯伯屬二伯者統  
 於天子八州八伯韓侯為侯伯蓋作幽州伯也○戎大  
 縣思齊民勞烝民江漢烈文傳竝同祖考謂韓侯之先  
 祖也虔固其執竝爾雅釋詁文文選張衡西京賦注引  
 韓詩章句云韓正也庭訓直正曲為直也方四方也幹  
 不庭方言云四方有不直者則正之侯伯得專征伐也隱  
 十年左傳云君子謂鄭莊公於是乎可謂正矣以王命  
 討不庭不貪其土以勞王爵正之體也詩義正同戎大  
 辟君以佐戎辟猶云以佐天子耳此皆王親命韓侯之辭

**四牡奕奕孔脩且張韓侯入覲以其介圭入覲于王傳**

脩長張大覲見也王錫韓侯淑旂綏章篚第鎔衡玄衮

**赤舄鉤膺鏤錫鞞鞞淺幘倕革金厄傳**淑善也交龍為

旂綏大綏也鎔衡文衡也鏤錫有金鏤其錫也鞞革也

鞞軾中也淺虎皮淺毛也幘覆式也厄鳥喙也疏奕奕



長大之兒脩長張大猶六月篇之脩廣也故傳訓同觀  
見爾雅釋詁文秋見曰觀因之凡見皆曰觀介圭再拜  
高篇觀禮乃朝以瑞玉有纁侯氏入門右坐奠圭再拜  
稽首記曰奠圭于纁上此侯伯則介圭也上言韓侯之  
之來觀外再拜王所賜車服觀禮天子賜侯氏以車服迎  
于外門外再拜路先設面上路下四亞之重賜無數在  
車南鄭注引采菽詩云君子上朝何錫予之雖無子之  
路車乘馬又引何子之亥衮及黼義與此同○淑善關雎  
同交龍為旂出車同詳出車篇箋云善旂旂之善色者  
也淑旂旂也綏章旂也出車采芑竝言旂旂中央傳央  
央鮮明兒即箋所謂善色者也公羊注云加文章曰旂  
釋文綏本又作綏禮記注綏當為綏讀如冠蕤之蕤是  
綏為正字矣今字通作綏綏章連文與六月帛旂連文  
同義綏與旂同章帛皆謂綏也六月旂旂亦通帛旂旂以綏  
繫於綏未加為文章是曰綏章六月旂旂亦通帛旂旂以綏  
二十八年左傳文大旂之左旂旂亦通帛旂旂以綏  
云大綏即大旂也周禮又謂之大旂旂亦通帛旂旂以綏  
路玉路建大常金路建大旂象路建大赤革路建大白  
木路建大旂案常為天子之旗大旂交龍為旂也大白  
周正色鳥隼為旂也曲禮行前朱鳥吳語赤旂明堂位

周之大赤是也大白殷正色熊虎為旗也少儀大白不  
入廟門司馬灋旗章殷以虎尚威明堂位殷之大白是  
也大麾夏正色龜蛇為旂也爾雅緇廣充幅長尋曰旂  
緇黑色檀弓綈練設旂夏也明堂位夏后氏之綏是也  
旂有不旂者有繼旂者曰旂明堂位之綏即此詩之綏  
毛傳以綏為大綏周禮以綏為大麾皆有繼旂者也旂  
綏靡三字竝聲轉而義得相通車攻傳云天子發抗大  
綏諸侯發抗小綏綏有大小所以別尊卑亦唯天子諸  
侯有綏亦可見天子諸侯始有旂也天子大綏用諸田  
獵與巾車大麾以田合諸侯始有旂也天子大綏用諸田  
王命韓侯為追貉之長故以大綏錫之與巾車大麾以  
封蕃國合金榜禮箋謂大麾為旂大綏即大麾其說良  
是繼旂說見六月篇○簞第鎡衡此謂路車也鎡衡文  
衡采芑同詳采芑篇采叔傳云玄衮卷龍也狼跋傳云  
赤舄人君之盛履也箋云鈎膺樊纓也詳采芑篇有金  
鏤其錫是曰鏤錫箋眉上曰錫刻金飾之今當盧也巾  
車注錫馬面當盧桓二年左傳注錫在馬額說文錫馬  
頭飾也引詩作錫玉篇錫鏤錫馬面飾錫同說文錫馬  
亦作錫巾車玉路錫樊纓金路鈎樊纓賈疏云上急就篇  
下玉路直言錫兼有鈎然則玉路有鈎而金路有兼



鈎無錫此周禮說也詩言封同姓用金路有鈎膺又有  
鏤錫者或以侯伯加歟非玉路賜韓侯也○正義引說  
文亦云鞞革也獸皮治去其毛曰革鞞與鞞同儀禮士  
喪下篇記疏引毛傳鞞式與鞞式一例今字通作  
鞞說文鞞車鞞也詩曰鞞鞞淺鞞讀若穹韻會作車軾  
中鞞與鞞謂鞞當作鞞鞞即今之鞞字穹與鞞聲義皆相  
近釋名鞞因與下輿相聯箸也鞞鞞者以革幫車式  
所謂鞞也小戎作茵又小戎傳云文虎皮此傳釋淺爲  
虎皮淺毛是淺與文同物也釋文鞞本作箴曲禮素箴  
注或爲鞞說文引作犬鞞少儀玉藻既夕記皆作鞞並  
字異義同先儒謂之覆答而此云覆式者傳蓋以鞞爲  
式上所覆之皮與答當車前者異物禮記玉藻篇禮不  
盛服不充故大裘不裼乘路車不式不式者無覆式也  
路車無覆式則非路車有覆式可知傳意以此詩淺鞞  
非路車之制故不以爲覆答之鞞而以覆式之皮言之  
解者直謂式爲鞞誤矣覆式曰鞞鞞者俗稱耳詳小戎  
篇○鞞當作鞞鞞革詳蓼蕭篇厄者衡下之鞞說文鞞  
鞞前也鞞鞞下曲者渾言之衡鞞同體析言之鞞爲衡  
下曲鞞也衡之長容兩服鞞又兩服馬之頸故謂之兩  
鞞人注衡任謂兩鞞之閒是也亦謂之兩鞞襄十四

年左傳射兩鞞而還服注車鞞兩邊又馬頭者是也鞞  
本字厄假借字今通作厄既夕記今文作厄與詩同傳  
云鳥喙依釋文訂正作鳥喙者誤釋名馬曰鳥喙下向  
又馬頸似鳥開口向下啄物時也小爾雅衡扼也扼上  
者謂之鳥喙扼卽鞞字啄與嚼通金厄謂以金飾鳥喙  
也正義用爾雅厄鳥喙蟲名爲說大謬詩既有簞第又  
有淺鞞既有鎔衡又有金厄此所謂重賜無數者歟

韓侯出祖出宿于屠傳屠地名也顯父餞之清酒百壺

傳顯父有顯德者也其殺維何魚鼈鮮魚其菽維何維

筍及蒲傳菽菜穀也筍竹也蒲蒲蒻也其贈維何乘馬

路車籩豆有且侯氏燕胥疏烝民云仲山甫出祖仲山

兩詩皆有出祖祭道神之事屠地名無攷說文左馮翊  
郃陽縣有郃亭一作郃陽亭許不引詩郃亭非卽屠地  
漢郃陽縣去鎬尚遠或謂卽韓侯所宿之屠地非是傳  
云顯父有顯德者逸周書成開本典篇竝有顯父登德



之文傳所本也。泉、水、傳、祖、而、舍、載、飲、酒、於、其、側、曰、餞、重、始、有、事、於、道、也。出、祖、飲、餞、雖、是、兩、事、總、在、一、時、飲、酒、於、其、側、即、在、行、道、之、旁、祭、畢、而、飲、酒、也。祖、而、舍、載、行、者、之、事、即、此、清、酒、百、壺、是、也。案、昭、十、六、年、左、傳、鄭、六、卿、餞、宣、子、於、郊、此、餞、在、郊、之、明、證、天、子、侯、國、宿、餞、遠、近、異、禮、地、官、遺、人、凡、國、野、之、道、十、里、有、廬、廬、有、飲、食、三、十、里、有、宿、宿、有、路、室、路、室、有、委、五、十、里、有、市、市、有、候、館、候、館、有、積、鄭、注、云、宿、可、止、宿、若、今、亭、有、室、矣、周、禮、之、宿、與、詩、之、出、宿、同、泉、水、篇、言、宿、餞、不、同、地、先、出、宿、而、後、飲、餞、侯、伯、近、郊、十、五、里、遠、郊、三、十、里、也、若、王、國、遠、郊、百、里、近、郊、五、十、里、此、詩、言、出、宿、于、屠、當、在、近、郊、以、內、即、三、十、里、宿、有、路、室、之、宿、其、飲、餞、自、在、近、郊、五、十、里、故、五、十、里、有、候、館、然、則、顯、父、之、餞、韓、侯、必、在、五、十、里、候、館、中、矣、嵩、高、申、伯、信、邁、王、餞、于、郟、郟、在、岐、周、之、近、郊、亦、明、證、也、正、義、云、餞、訖、然、後、出、宿、今、出、宿、之、文、在、飲、餞、之、上、者、示、行、不、畱、失、之、○、菽、作、菽、者、非、殺、當、作、肴、賓、之、初、筵、傳、云、肴、豆、實、也、包、鼈、詳、六、月、篇、箋、云、鮮、魚、中、膾、者、也、天、宮、醢、人、饋、會、加、豆、皆、有、魚、醢、爾、雅、釋、器、菜、謂、之、菽、郭、注、云、菜、茹、之、總、名、見、詩、此、釋、詩、之、菽、也、豆、實、有、醢、有、菹、醢、注、

謂、肉、菹、謂、菜、傳、云、菽、菜、肴、正、對、上、肴、為、肉、肴、而、言、醢、人、加、豆、之、實、淡、蒲、筍、菹、菹、有、蒲、有、筍、則、菽、為、豆、實、明、矣、又、醢、人、羞、豆、糝、會、鄭、司、農、注、菜、醢、蒸、賈、疏、云、若、今、煮、菜、謂、之、蒸、菜、也、案、醢、者、菽、之、假、俗、字、說、文、醢、鼎、實、惟、葦、及、蒲、陳、畱、謂、健、為、鬻、或、作、餽、鬻、餽、同、字、鬻、鼎、實、菽、豆、實、許、宗、毛、不、應、與、毛、菲、異、疑、惟、葦、及、蒲、四、字、經、後、人、竄、改、傳、云、筍、竹、不、辭、疑、竹、下、有、奪、字、釋、文、筍、又、作、筍、爾、雅、筍、竹、萌、也、或、今、傳、筍、竹、也、三、字、係、後、人、所、增、而、又、脫、萌、字、耳、醢、人、加、豆、之、實、筍、竹、也、三、字、係、後、人、所、增、而、又、脫、萌、字、耳、言、細、小、也、筍、為、小、竹、則、筍、為、大、竹、矣、王、風、揚、之、水、傳、蒲、草、也、此、傳、釋、蒲、為、蒲、筍、謂、蒲、草、之、本、也、醢、人、加、豆、之、實、淡、蒲、醢、醢、鄭、司、農、注、云、淡、蒲、蒲、筍、入、水、淡、故、曰、淡、蒲、齊、民、要、術、卷、九、引、義、疏、云、蒲、淡、蒲、也、周、禮、以、為、菹、謂、蒲、始、生、取、其、中、心、入、地、者、筍、大、如、匕、柄、正、白、生、嫩、之、甘、脆、是、蒲、筍、與、淡、蒲、一、矣、考、工、記、輪、人、鄭、注、今、人、謂、蒲、本、在、水、中、者、為、弱、弱、與、筍、通、又、醢、人、注、謂、淡、蒲、蒲、始、生、水、中、子、然、說、文、蒲、子、可、以、為、平、席、不、云、作、菹、也、○、嵩、高、傳、贈、增、也、箋、云、贈、送、也、王、既、使、顯、父、餞、之、又、使、送、以、車、馬、所、以、言、顯、父、贈、者、為、人、君、之、車、曰、路、車、所、駕、之、馬、曰、棗、馬、案、鄭、不、



勞出有贈賄且詞也籩豆有且言有籩有豆也凡諸侯  
覲王稱侯氏謂韓侯為侯氏者此亦君對臣之詞胥皆  
也燕胥皆燕也  
以示君有餘惠

韓侯取妻汾王之甥蹶父之子傳汾大也蹶父鄉士也

韓侯迎止于蹶之里傳里邑也百兩彭彭八鸞鏘鏘不

顯其光諸娣從之祁祁如雲韓侯顧之爛其盈門傳祁

祁徐靚也如雲言眾多也諸侯一取九女二國媵之諸

娣眾妾也顧之曲顧道義也疏妻適妻也凡諸侯即位

篇引韓詩內傳諸侯世子三年喪畢上受爵命於天子

此詩言韓侯受命韓侯入覲則亦喪畢受爵命也文二

年左傳云凡君即位好舅甥修昏姻娶元妃以奉粢盛

孝也元妃也傳訓汾王為大王者厲王宣王之父故謂

位取元妃也傳訓汾王為大王者厲王宣王之父故謂

之大王正義引王肅云大王王之尊稱蹶氏父字案蹶

父為鄉士未詳所聞易林井云大夫祈父無地不涉為

吾相土莫如韓樂可以居止長安富有三家以詩之蹶

父蓋任祈父司馬之職歟迎親也諸侯親迎在宣王

時禮尚不廢里邑爾雅釋言文周禮載師以小都之田

任縣地鄭注云小都鄉之采地四百里為縣蹶父為王

卿士當受采地於縣內其都邑也鶴巢傳百兩百粢

也諸侯之子嫁於諸侯送御皆百粢載驅傳彭彭多兒

鏘鏘釋文作將將大明不顯其光傳云顯其光輝義與

此同○大田傳祁祁為徐此又益其義云徐靚也靚與

靜同○敝笱齊子歸止其從如雲傳如雲言盛也眾多即

盛云諸侯一取九女二國媵之者所以申明眾多之意

春秋成八年衛人來媵九年晉人來媵十年齊人來媵

左傳以衛晉媵共姬為禮則齊媵為非禮公羊傳三國

來媵非禮也又莊十九年公羊傳媵者何諸侯娶一國

則二國往媵之以姪從姪者何兄之子也弟者何女

弟也諸侯壹聘九女諸侯不再娶女弟女子今據詩正

義補公羊亦以二國媵為禮三國媵為非禮與左合諸

侯於所取之國適夫人之外有媵有姪注公羊據禮適夫

又各有媵有姪娣左右各有媵有姪娣與漢書五行志劉

之下但有媵有姪娣左右各有媵有姪娣與漢書五行志劉

詩二十五



向說白虎通義嫁娶篇列女明德馬后傳所云八妾合  
九女中有適與毛傳不同一取九女天子皆然思齊經  
傳可稽也然公羊注列女傳白虎通義載或說及漢書  
王莽傳後漢書荀爽傳皆謂天子一取十二女蔡氏獨  
斷鄭注檀弓以十二女為夏制則入妾宜非周制而漢  
先儒往往往襍用異禮不若毛傳之精且核矣九女皆不  
聘故傳釋諸娣為眾妾獨舉娣者娣又為貴妾之統稱  
先釋下句如雲後釋上句諸娣或疑有誤倒○經言顧  
傳云曲顧道義者列女傳齊孝公迎華氏之長女孟姬  
於其父母三顧而出親授之綏自御輪三曲顧姬與遂  
納於宮白虎通義必親迎御輪三周下車曲顧者防淫  
洗也高誘注淮南汜論云蒼梧繞乃孔子時人以妻美  
好推與其兄於兄則愛矣而違親迎曲顧之義此皆所  
謂曲顧也道義讀如字韓詩外傳云賢者精氣闡溢  
而後傷時不可過也不見道端乃陳情欲以歌道義昭  
二十六年穀梁傳云至自齊道義不外公也至自會道  
義不外公也是  
古有道義之語

蹶父孔武靡國不到為韓姑相攸莫如韓樂傳姑蹶父

姓也孔樂韓土川澤訐訐魴鱖甫甫鹿鹿嘯嘯有熊有

羆有貓有虎傳訐訐大也甫甫然大也嘯嘯然眾也貓

似虎淺毛者也慶既令居韓姑燕譽疏箋云相視攸所

為王使於天下國皆至為其女韓侯夫人姑氏視其

所居韓國最樂箋與焦延壽易林井合本三家毛意或

同也姑黃帝之後十二姓之一傳釋姑為蹶父姓則韓

侯夫人姑姓矣訐大也重言之曰訐訐甫大也重言之

曰甫甫易林離云魴鱖訐訐與甫甫聲亦相近釋

文嘯本又作慶吉日傳鹿牡曰鹿慶慶眾多也慶字之

誤爾雅釋獸虎竊毛謂之號貓傳云淺毛竊即淺也說  
文虎竊毛謂之號貓從虎號聲竊淺也說文無貓字古  
字本作苗苗為虎屬似虎而淺毛者別其名曰苗重其  
名曰號苗郊特牲迎貓迎虎貓亦號苗也○箋云慶善  
也蹶父既善韓之國土使韓姑嫁焉而居之韓姑則安  
之盡其婦道有顯譽案成九年左傳季文子如宋致女  
復命公享之賦詩者即取慶居燕譽之義也



溥彼韓城燕師所完傳師眾也以先祖受命因時百蠻

王錫韓侯其追其貉奄受北國因以其伯傳韓侯之先

祖武王之子也因時百蠻長是蠻服之百國也追貉戎

狄國也奄撫也實墉實壑實畝實藉傳實墉實壑言高

其城淡其壑也獻其貔皮赤豹黃羆傳貔猛獸也追貉

之國來貢而侯伯總領之疏溥大也韓侯九命作伯改

水注引王肅云今涿郡方城縣有韓侯城世謂之寒號

城非也括地志云方城故城在幽州固安縣南十里今

固安縣在順天府西南則韓城在燕國南矣傳訓師為

眾者燕眾猶云燕人也王肅云燕北燕國漢書地理志

廣陽國薊故燕國召公所封方輿紀要云北直順天府

府治東有薊城古燕都也記曰武王克商封帝堯之後

于薊其後燕并薊地遂都於薊以城西北有薊邱而名

奠案召公封燕以山為名其後併薊當在成王之世武

庚之叛東夷八國竝興成王既誅武庚及八國以奄益

魯以薄姑益齊以薊益燕三國為三公故皆得就上公

之封開方五百里燕之并薊正在斯時不必疑堯後之

薊為黎矣宣王時燕人為韓築城燕韓皆在周幽州域

內完者讀如繕完葺牆之完也傳釋先祖云韓侯之

先祖武王之子者謂武王之子為韓侯始封之先祖然

則韓侯為武穆矣周有二韓一為姬姓之韓襄二十九

年左傳叔侯曰霍楊韓魏皆姬姓也是也一為武穆之

韓僖二十四年左傳富辰曰邗晉應韓武之穆也國語

鄭語史伯曰武王之子應韓不在是也武王克商舉姬

姓之國四十人則姬姓之韓當受封於武王之世其後

詩二十五

韓



卽是晉滅姬姓之韓誤合爲一杜注左傳韋注國語皆  
沿其說姬姓韓在河東而後之言輿地者指爲梁山在夏陽  
西北遂以今河而韓城縣隋始置者指爲韓侯古城則  
謬之謬也學者不可不辨○以猶用也先以策命韓侯  
韓侯先祖亦受命爲周侯伯故用其禮因以策命韓侯  
傳云長是蠻服之百國也者以釋經時百蠻之義時是  
也長讀上聲謂韓侯爲蠻服百國之長蠻服北方之蠻  
服也周禮職方氏王畿之外有九服侯甸男采衛蠻夷  
鎮蕃大行人衛服之外要服九州之外謂之蕃國  
鄭注要服卽蠻服書康誥言侯甸男采衛中車革路封  
四衛木路封蕃國鄭注亦云四衛爲蠻服三百里蠻夏時甸  
侯綏要荒五服連王畿外建夷蠻卽在要荒要服荒服皆  
九州域也周制除王畿外建夷蠻卽在要荒要服荒服皆  
內其夷服鎮服蕃服皆戎狄國在九州外易祓云王畿  
千里兩面各五百里自方五百里所異者周官王畿不在九  
之蕃服每面各二百五十里所異者周官王畿不在九  
服內與禹貢不同其餘弼服盡同胡渭作禹貢錐指從  
易祓說以爲千年不破之疑然則蠻服去王城止二  
里耳周制王畿以雒邑爲土中五畿五百里每服二

五十里六服一千五百里連王城二千里今河南府至  
順天府一千八百里韓在順天府南百三四十里古里  
短今里長韓在蠻服道里可稽易祓之說眞足以發毛  
傳之微矣云因時百蠻者從韓本國言也下文云其追  
其貉者命之爲侯伯則夷鎮蕃三服皆韓所總領故也  
○說文貉北方豸種追未聞疑追貉卽滅貉追滅聲相  
近孔晁注逸周書王會篇韓穢東夷別種窮於大  
書武帝紀穢貉在辰韓北高句驪沃沮之南東窮於大  
海此卽鄭箋所謂追貉爲獬狁所逼稍稍東遷者歟周  
時追貉在荒服之中故傳云獬狁所逼稍稍東遷者歟周  
服傳訓奄爲撫者爾雅奄撫有也周語云戎狄荒  
奄訓撫又訓有也伯侯伯也箋云實當作寔趙魏之東  
實寔同聲寔是也傳訓壙爲城與皇矣良耜同云溪其  
壑者壑卽池孟子公孫丑篇爲城非不高也池非不深也  
是其義藉讀藉田之藉箋云藉稅也案此謂燕眾築城  
之事是藉猶高篇云徹申伯田徹申伯土疆也句義  
畝是藉猶高篇云徹申伯田徹申伯土疆也句義  
正同○禮記曲禮篇前有如貔則載貔申伯土疆也句義  
亦摯獸也引書曰如虎如貔傳云貔猛獸者猛摯同也  
爾雅貔白狐其子穀此貔爲狸類而陸機義疏貔似虎



一名白狐是以爾雅之貌謂即詩之貌矣獻猶貢也韓  
侯為幽州伯在蠻服中雖追貉荒裔皆其統轄故傳云  
追貉之國來貢而侯伯總領之也周語穆王征犬戎得  
四白狼四白鹿自此即荒服貢皮之證與詩義合職方氏云  
戎之職貢也此即荒服貢皮之證與詩義合職方氏云  
凡邦國小大相維王設其牧制其職各以其所能制其  
貢各以其所有

### 江漢六章章八句

江漢尹吉甫美宣王也能興衰撥亂命召公平淮夷疏

召公召虎也後漢書東夷傳厲王無道淮夷入寇王命  
號仲征之不克宣王復命召公伐而平之此即平淮夷  
事宣王承厲王之烈淮夷正疆盛命召虎既平淮夷遂作詩  
甫作詩以美之江漢之詩是也淮夷不一國而徐為淮夷之  
以戒宣王常武之詩是也淮夷不一國而徐為淮夷之  
大國故於江漢言淮夷而於常武特舉一徐國徐方平  
而淮夷諸國胥平兩詩正是一時一事宣王次江漢之  
水厓命將伐東國詩人遂以如江如漢狀武夫威武取

江漢命篇達於淮浦亦由江漢而東而北解者據鄭箋  
從江漢循流而下遂誤以魯頌淮夷在淮北而此淮夷  
在淮南以言輿地未審矣攷淮夷周改夏之徐州為青州其  
及海南至淮其地皆有淮夷周改夏之徐州為青州其  
分界與禹貢同則周之淮夷亦在淮北不在淮南也書  
序云武王崩三監及淮夷叛逸周書作雒篇云二叔及  
殷東徐奄及熊盈以略昭元年左傳周有徐奄賈逵杜  
預注竝云徐即淮夷徐在淮而尤大故舉其國則曰徐  
舉其地則曰淮夷徐在東故毛傳謂之東國又謂之東  
夷柴誓伯禽之世徂茲淮夷徐戎竝與淮夷即東夷徐  
戎為邾戎其時與魯作難之淮夷不知其徐與否也要  
之春秋以前吳楚未興徐最疆大至春秋齊桓公霸諸  
侯東略淮夷之地徐即諸夏故春秋進之遂有次匡救  
徐之師直至魯昭公十三年楚靈王會于申而徐子淮  
夷竝書於經後即尋為吳滅  
此淮夷與徐分合之大較也

江漢浮浮武夫滔滔匪安匪遊淮夷來求傳浮浮眾疆

貌滔滔廣大貌淮夷東國在淮浦而夷行也既出我車



既設我旃匪安匪舒淮夷來鋪傳鋪病也疏武夫滔滔

傳滔滔武夫滔滔滔滔傳滔滔武夫滔滔滔滔傳滔滔武夫滔滔

傳滔滔武夫滔滔滔滔傳滔滔武夫滔滔滔滔傳滔滔武夫滔滔

傳滔滔武夫滔滔滔滔傳滔滔武夫滔滔滔滔傳滔滔武夫滔滔

傳滔滔武夫滔滔滔滔傳滔滔武夫滔滔滔滔傳滔滔武夫滔滔

傳滔滔武夫滔滔滔滔傳滔滔武夫滔滔滔滔傳滔滔武夫滔滔

傳滔滔武夫滔滔滔滔傳滔滔武夫滔滔滔滔傳滔滔武夫滔滔

傳滔滔武夫滔滔滔滔傳滔滔武夫滔滔滔滔傳滔滔武夫滔滔

傳滔滔武夫滔滔滔滔傳滔滔武夫滔滔滔滔傳滔滔武夫滔滔

傳滔滔武夫滔滔滔滔傳滔滔武夫滔滔滔滔傳滔滔武夫滔滔

傳滔滔武夫滔滔滔滔傳滔滔武夫滔滔滔滔傳滔滔武夫滔滔

傳滔滔武夫滔滔滔滔傳滔滔武夫滔滔滔滔傳滔滔武夫滔滔

傳滔滔武夫滔滔滔滔傳滔滔武夫滔滔滔滔傳滔滔武夫滔滔

傳滔滔武夫滔滔滔滔傳滔滔武夫滔滔滔滔傳滔滔武夫滔滔

傳滔滔武夫滔滔滔滔傳滔滔武夫滔滔滔滔傳滔滔武夫滔滔

傳滔滔武夫滔滔滔滔傳滔滔武夫滔滔滔滔傳滔滔武夫滔滔

傳滔滔武夫滔滔滔滔傳滔滔武夫滔滔滔滔傳滔滔武夫滔滔

傳滔滔武夫滔滔滔滔傳滔滔武夫滔滔滔滔傳滔滔武夫滔滔

傳滔滔武夫滔滔滔滔傳滔滔武夫滔滔滔滔傳滔滔武夫滔滔

傳滔滔武夫滔滔滔滔傳滔滔武夫滔滔滔滔傳滔滔武夫滔滔

傳滔滔武夫滔滔滔滔傳滔滔武夫滔滔滔滔傳滔滔武夫滔滔

傳滔滔武夫滔滔滔滔傳滔滔武夫滔滔滔滔傳滔滔武夫滔滔

江漢湯湯武夫泱泱傳泱泱武貌經營四方告成于王

四方既平王國庶定時靡有爭王心載寧疏載驅傳云

文苑注作儻儻鹽鐵論繇役篇作潢潢玉篇走部趨趨

江漢之許王命召虎傳召虎召穆公也式辟四方徹我

疆土匪疚匪棘王國來極于疆于理至于南海疏許水

漢之水厓即周南國之地召虎召穆公正義引世本云

穆公是康公之十六世孫穆公諫弭誦在厲王時已在

冢上淮夷來求句常武傳云舒徐也淮夷來鋪鋪讀為

痛卷耳傳痛亦病也常武三章云徐方繹騷震驚徐方

如雷如霆徐方震驚是其義也來皆語詞案此首章正

言平淮夷之事下二章又從淮夷以極武功之被及四

也方

武兒竝字

異而義同

寺二十五



三公矣箋云王於江漢之水上命召公案鄭箋此說必有依據於兩篇詩義無不昭合春秋經僖十五年公會齊侯次于匡公孫敖帥師及諸侯之大夫救徐蓋諸侯次匡大夫將兵即此意也王命召虎言王既命召虎平淮夷而又命其鎮撫南國也○文選上林賦注及眾經音義兩引韓詩傳辟除也召旻傳辟開也開除義相近嵩高傳徹治也箋云疾病棘急極中也國語撫征南海訓及諸夏韋注云南海羣蠻也又左傳楚子曰君處北海寡人處南海竝與詩南海同南海指荆蠻宣王命方叔南征荆蠻又建封申伯於謝邑以厭鎮之嵩高篇王命召伯徹申伯土田王命召伯徹申伯土疆此詩所云正言其事汲郡古文宣王五年伐荆蠻六年平淮夷七年命申伯然則召穆公為申伯定宅自在既平淮夷之後紀年偽書閒有依據

王命召虎來旬來宣文武受命召公維翰傳旬徧也召

公召康公也無曰予小子召公是似肇敏戎公用錫爾

社傳似嗣肇謀敏疾戎大公事也疏旬徧爾雅釋言文

張揖字詒云徇今巡則稚讓讀作巡也宣讀四方于宣之宣鴻雁傳宣示也來旬來宣言偏示功德於四方也來亦語詞此二句承上章而言下文皆敘功成勞來之事○傳嫌召公與序召公一人故召虎為召穆公而召公為召康公也箋云召康公名奭召虎之始祖也白虎通義王者不臣篇禮服傳曰子得為父臣者不遺善之義也詩云文武受命召公維翰召公文王子也班亦以召公為召康公其云文王子當從魯詩說翰讀維周之翰之翰嵩高傳翰榦也○似訓嗣嗣猶繼也韓詩外傳曰予小子使爾繼邵公之後受命者必以其祖命之韓意釋詩予小子為宣王自謂毛意亦然也無曰予小子召公是似言爾無以予小子之故惟爾祖召公之是嗣也甘棠序召伯之教明於南國穆公能疆理南海即是嗣康公之事正義云肇謀戎大國穆公能疆理南海即國論語注云敏行之疾也地官師氏三德有敏德是敏為識解之疾也釋文肇韓詩云長也毛韓訓異意同後漢書宋弘傳注引詩傳作功錫山土田是也

釐爾圭瓚秬鬯一卣告于文人傳釐賜也秬黑黍也鬯



香草也築煑合而鬱之曰鬯也九命錫圭瓚秬鬯

文人文德之人也錫山土田于周受命自召祖命傳諸

侯有大功德賜之名山土田附庸虎拜稽首天子萬年

疏烈祖傳賚賜也釐與賚通圭瓚以玉為之詳旱鹿篇

申有鬯草生郊皆謂鬱金之草是也傳鬯既為香草又

合黑黍釀作酒是曰鬯也鬯必兼鬱謂鬱積而條暢也

周禮鬯人共秬鬯不及鬱而鬱人和鬱鬯不及秬不得

謂鬱鬯之鬯不合秬鬯即不得謂秬鬯之鬯不和鬱矣鄭

司農鬯人注鬯香草肆師及果築鬯注築煑香草煑

以為鬯說文鬯黑黍也一稗二米以釀或从禾作秬鬯

以鬯釀鬱艸芬芳攸服以降神也先鄭及許並治毛詩

同毛義白虎通義攷黜篇秬者黑黍一稗二米鬯者以

百艸之香鬱金合而釀之成為鬯班亦與毛不異鄭康

成泥周人鬯鬱分官以為和香草者為鬱鬯不和者為

秬鬯恐非是鬱人賈疏引王度記云天子以鬯諸侯以

薰大夫以蘭芝士以蕭庶人以艾此等皆以和酒諸侯

以薰謂未得圭瓚之賜得賜則以鬱耳王度記天子以

鬯及禮緯云鬯草生庭皆是鬱金之草以其和鬯酒因

號為鬯也賈說得之鬯器爾雅釋器文李巡注云鬯

器名案鬯即鬯之隸變說文鬯讀若調攸脩調鬯同尤

幽部書文侯之命用賚爾秬鬯一占僖二十八年左傳

襄王賜晉文公秬鬯一占竝與詩同旱鹿傳亦云九年

然後錫以秬鬯圭瓚韓詩外傳傳曰諸侯之有德天子

錫之一錫車馬再錫衣服三錫虎賁四錫樂器五錫納

爾圭瓚秬鬯一占韓義同○文人即下文召祖對召虎

則稱召公為召祖對文武則稱召公為文人清廟濟濟

多士秉文之德傳亦云執文德之人凡為文武楨榦之

臣者皆可謂文德之人也末章云矢其文德洽此四國

亦謂召康公有文德以輔佐文武而召穆公作成之傳

以文德之人釋文又其義僚然矣文侯之命追孝于前

文人亦與詩文同又書雜誥篇佅來毖殷乃命寧予

以秬鬯二占曰明禋拜手稽首休享予不敢宿則禋于

文王武王案秬鬯二占一以告文王一以告武王也詩

詩二十五

詩二十五



言租鬯一亩耳但告始祖廟不得徧告羣廟○王制云凡四海之內九州名山大澤不以封其餘以爲附庸間田又云天子之縣內名山大澤不以封其餘以祿士以爲間田是則名山大澤附庸間田皆不以封諸侯諸侯有大功德則賜之闕宮云乃命魯公俾侯于東錫之山川土田附庸是也土田即間田畿內無附庸有大功德則亦賜之以山澤間田召穆公畿內諸侯故詩但錫土田不及附庸傳每引成文往往連類及之而於經實無當也正義謂土田即附庸汪龍席其非矣一說正義云定本集注毛傳皆有附庸二字則本固有無此二字者矣傳承經義言名山不及大澤因召岐山之陽不及大河也則傳非全引成文可知兩說皆足以明經傳姑具存焉箋云周岐周也自用也宣王欲尊顯召虎故如岐周使虎受山川土田之賜命用其祖召康公受封之禮岐周之所起爲其先祖之靈故就之拜稽首者受王命策書也臣受恩無可以報謝者稱言使君壽考而巳

虎拜稽首對揚王休作召公考天子萬壽明明天子令

聞不已矢其文德洽此四國傳對遂考成矢弛也疏禮

禮記

祭統篇惺拜稽首曰對揚以辟之鄭注亦云對遂也義與傳同考訓成作召公考謂虎能爲召公成王休故事也箋云休美作爲也虎既拜而答王策命之時稱揚王之德美君臣之言宐相成也王命召虎用召祖命故虎對王亦爲召康公受王命之時對成王命之辭謂如其所言也如其所言者天子萬壽以下是也○詩述聞云明勉一聲之轉故古多謂勉爲明重言之則曰明明爾雅曰疊疊勉也鄭注禮器曰疊疊猶勉勉也疊疊勉爾明明亦一聲之轉明明天子令聞不已猶言疊疊文王令聞不已也漢書楊惲傳明明天子令聞不已猶言疊疊仲舒傳明明作皇皇是其證也聞舊本書鈔帝王部七引詩作問矢弛釋詁文弛各本作施唯宋本作弛是也矢其文德禮記孔子閒居施聲通而義自別弛者寬緩施者敷陳若上句矢其文德作施字解則與洽此四國洽字義復禮記云張而不弛文武弗能也弛而不張文武弗爲也一弛一文武之道也此即詩弛字之義洽讀爲協孔子閒居引詩作協洽協同聲



常武六章章八句

常武召穆公美宣王也有常德以立武事因以為戒然

赫赫明明王命卿士南仲大祖大師皇父整我六師以

脩我戎傳赫赫然盛也明明然察也王命南仲於大祖

皇父為大師既敬既戒惠此南國疏赫赫然盛明明然

興強盛察者謂有知人之明察也王命卿士南仲大祖

也宣王時召虎為卿士今命虎平淮夷故特命南仲為

卿士若春秋時有左卿士右卿士居二伯之職者也白

虎通義爵篇封諸侯於廟者示不自專也明法度皆祖

之制也舉事必告焉詩云王命卿士南仲大祖禮祭統

曰古者明君爵有德必於大廟君降立於阼階南南向

所命北面史由君右執策命之毛魯義同大師皇父傳

云皇父為大師言王命此皇父為大師亦必於大祖廟

也王制有發則命大司徒教士以車甲鄭注云乘兵車

衣甲之儀有發謂有軍師發卒是皇父為大司徒而兼

大師也箋云大師者公兼官也周人以后稷為大祖大

祖廟即大廟二昭二穆咸在焉此謂在鎬都時○六師

六軍瞻彼洛矣械僕傳皆云六師天子六軍周禮大司

馬凡制軍王六軍鄭司農注即引此詩六軍軍賦之大

數其調發之制不必六軍盡出大師皇父整我六師以

脩我戎言王命皇父整軍習戎也六月傳云先教戰然

後用師至用師命將則程伯休父為大司馬也周禮注

引詩敬作傲宣王既於鎬都蒐軍實乃移師次於江漢之滸故云既敬既戒惠此南國也

王謂尹氏命程伯休父左右陳行戒我師旅率彼淮浦

省此徐土傳尹氏掌命卿士程伯休父始命為大司馬

浦厓也不畱不處三事就緒傳誅其君弔其民為之立

三有事之臣疏傳云尹氏掌命卿士者尹氏為掌命卿

皆稱氏矣書大誥篇肆子告我友邦君越尹氏庶士御

事義爾邦君越爾多士尹氏御事孔疏云尹氏即官也



逸周書和寤武寤篇尹氏以官為族而與尹氏為大史小史  
中士八人也左傳尹氏為周世族大夫失之矣命程伯  
不同解之者概以尹氏始命為大司馬者楚語重黎氏世  
休父傳云程伯休父始命為大司馬者楚語重黎氏世  
敘天地而別其分主者也其在周程伯休父其後也當  
宣王時失其官守而為司馬氏此傳所本也續漢書郡  
國志雒陽有上程聚古程伯休父次於江漢之水命召穆公  
之許王命召虎其時宣王次於江漢之水命召穆公  
為大將又命程伯休父為大司馬上篇為吉甫作詩故  
篇中敘召穆公此篇為召穆公作詩故篇中敘程伯  
休父皆指平淮夷之事天子出師軍帥非一人也大司  
馬之職乃陳車徒如戰之陳皆坐羣吏聽誓于陳前斬  
牲以左右徇陳曰不用命者斬之又云若大師則掌其  
戒令鄭注云大師王出征伐也此皆大司馬之事與詩  
義合○說文浦瀕也瀕水厓人所賓附也瀕亦厓左傳  
荒浦庸浦浦皆厓也海內東經淮水入海淮浦北水經  
淮水東至廣陵淮浦縣入於海淮浦縣屬臨淮郡今  
淮安府安東縣淮水經縣南入海即漢淮浦縣也詩之  
淮浦未即漢之淮浦凡旁淮之厓皆謂淮浦非即入海  
處率循也循淮水之厓而省視徐土則淮浦猶在徐之

西不在徐之東今安東去泗州幾四百餘里漢書地理  
志臨淮郡徐故國盈姓杜注僖三年左傳徐國在下邳  
僮縣東南華亭姚培謙云括地志徐城縣西北四十里有  
大徐城即古徐國也今江南鳳陽府泗州北八十里其  
古徐城相傳為徐偃王築案周禮職方氏正東青州其  
川淮泗海內東經泗水入淮陰北水經淮水東北至下  
邳淮陰縣西泗水從西北來酈注云泗在淮北然則淮  
北即泗矣徐臨淮水即於夷蠻上篇言淮夷徐亦與  
焉徐為淮夷之大國故此篇特揭明之爾雅云省察也  
淮浦在徐之境故云徐土也○畱古劉字武傳云劉毅  
也處猶安止也傳意以誅其君釋經之畱弔其民釋經  
之處兩不字皆發聲也十月之交傳擇三有事有司國  
之三卿與此三事同大國三卿皆命於天子故云為之  
職司於王室故也王制巡守之禮革制度衣服者為畔  
畔者君討鄭注云討誅也蓋其時徐僭號稱王宣王次  
江漢水上本是省方興伐  
之事為此誓戒豫告與  
赫赫業業有嚴天子王舒保作匪紹匪遊傳赫赫然盛



也業業然動也嚴然而威舒徐也保安也匪紹匪遊不

敢繼以敖遊也徐方釋騷傳釋陳騷動也震驚徐方如

雷如霆徐方震驚疏赫赫然盛傳已見首章首章命將

以別言之盛者謂軍容之盛業業然動謂動作也嚴

嚴天子嚴然天子也有發聲六月傳訓嚴為威與此嚴

同周語云夫兵戢而時動動則威即其義也上篇云匪

安匪游淮夷來求匪安匪舒淮夷來鋪傳鋪病也案兩

詩文義正同舒徐聲義相近故傳訓舒為徐此舒字即

上篇匪舒之舒遊當作游游字即上篇匪游之游傳訓

保為安者亦即本上篇兩安字作訓也爾雅紹繼也云

不敢繼以敖游也者上匪字與不同義則下匪字為語

助耳宣王次江漢水上故云王舒保作也於江漢水上

命召穆公出師故云匪紹匪游也下文即言淮夷告病

之事○傳訓釋為陳與車攻賚訓同義別陳讀為軍陳

之陳陳古陳字說文陳列也兩下云讀若軍陳之陳騷

動爾雅釋詁文說文怪動也騷怪聲同動讀如上軍未

動之動其時宣王已命將行師至于淮浦徐國必有敢

拒大邦者徐方釋騷言未戰而徐方之軍陳已動亂失  
次矣下文即承釋騷之義而申言之震驚徐方如雷如  
霆言王旅之震驚徐方如雷如霆也徐方  
震驚言徐方見王旅之眾盛而震驚也

王奮厥武如震如怒進厥虎臣闕如虢虎傳虎之自怒  
虢然鋪敦淮瀆仍執醜虜傳瀆厓仍就虜服也截彼淮

浦王師之所傳截治也疏武即序所謂武事也如震如

箋作而而震而怒而震怒也震動也言王奮發用武而

動怒也震怒連文皇矣云王赫斯怒爰整其旅文義相

同進猶先也虎臣即虎賁氏啓行之元戎也說見六月

篇說文虢虎鳴虢虎聲風俗通義正失篇引詩作哮虎

也傳云自怒與版之自恣抑之自角蕩之自伐同自古  
諄字說文諄膽氣滿聲在人上从言自聲讀若反目相  
睽荒內切○鋪釋文引韓詩作敷云大也敦讀如左傳  
敦陳整旅之敦韓詩云敦迫也箋敦當作屯文選楊雄  
甘泉賦敦萬騎於中營兮方玉車之千乘李注云敦與



屯同引王逸楚辭注屯陳也義竝相近說文漬水厓也汝墳正義引此詩作淮墳廣雅墳厓也漬與墳通爾雅仍因也說文因就也仍因皆可訓就說文母部虜獲也服與獲同意服威服也仍執醜虜言就其釋騷震驚執其醜眾而威服之也云

王旅嘽嘽如飛如翰如江如漢如山之苞如川之流傳

嘽嘽然盛也疾如飛擊如翰苞本也縣縣翼翼不測不

克濯征徐國傳縣縣靚也翼翼敬也濯大也疏說文單

叫卑叫亦聲叫讀若謹故從單聲字皆有盛大之義采芑傳嘽嘽眾也眾盛義相近如飛傳云疾如飛如翰傳云擊如翰擊與鷲同如江如漢俗江漢之廣大以形其軍容之強盛亦前篇之意也苞訓本本猶基也箋云其行疾自發舉如鳥之飛也翰其中豪俊也江漢以喻盛大也山本以喻不可驚動也川流以喻不可禦也○釋文縣縣韓詩作民民丈戴禮勸學篇無縣縣之事者無赫赫之功縣縣荀子作恨恨說文寫寫不見也段注云

縣縣民民皆謂密也即寫寫不見之意傳云靚者靚與靜同爾雅密靜也翼翼敬者謂諸臣持事能敬也文王傳翼翼恭敬也與此同箋云既服淮浦矣今又以大征徐也濯大文王有聲同箋云既服淮浦矣今又以大征徐國言必勝也案鄭說非也鄭分伐淮夷伐徐為兩事不知淮夷之國徐為大伐淮夷即是伐徐二章云率彼淮浦其下即云省此徐土三章三言徐方四章言淮濱又言淮浦其時徐國必有與師禦兵於淮浦者淮浦之禦兵既已敗散至此則大征徐國入其國都爾

王猶允塞徐方既來傳猶謀也徐方既同天子之功四

方既平徐方來庭傳來王庭也徐方不回王曰還歸疏

爾雅猷謀也猷與猶同謀當讀如春秋傳謀元帥謀東略之謀此蓋承上章言之其命將帥也其動眾之威也其行軍之敬也皆出王謀也燕燕傳云塞實也鄭注考靈耀云道德純備謂之塞漢書嚴助傳引詩曰王猶允塞徐方既來言王道甚大而遠方懷之也三家詩王猶為王道與毛不異荀子君道議兵及韓詩外傳引詩竝



義相同。○傳釋來庭為來王庭者，以言徐方之朝正於王也。箋云：回猶違也。還歸振旅也。蓋宣王既北伐玁狁，南伐荆蠻，然後興師東服，大伐淮徐。徐在穆王時僭號稱王，其負固不服，已非一日。至徐方來于王庭，則四方既平也。上篇云：經營四方，告成于王。四方既平，王國庶定。文義正同。房喬晉書：庾勇傳：古者三公坐而論道，不以方任嬰之。惟周室大壞，宣王中興，四夷交侵，救急朝夕，然後命召穆公征淮夷。詩云：徐方不回，王曰還歸。宰相不得久在外也。柳宗元獻平淮夷雅：亦云：周宣王時，稱中興。平淮夷，則江漢常武。晉唐人二詩為一時事，當是古說。如此。

瞻印七章三章章十句四章章八句

瞻印凡伯刺幽王大壞也

疏 瞻印召旻皆凡伯刺幽王詩與刺厲王不是一人蓋

畿內之伯世為王官若鄭武公莊公相繼為卿士也

瞻印昊天則不我惠孔填不寧降此大厲傳 昊天席王

也填久厲惡也邦靡有定士民其瘵蠹賊蠹疾靡有夷

屆罪罟不收靡有夷瘵傳 瘵病夷常也罪罟設罪以為

罟瘵愈也疏 昊天席王桑柔同惠愛也填久桑柔同厲

蠹疾與召旻蠹賊內訂義同夷常皇矣同屆極也小

傳罟網也此云罪罟設罪以為罟者言設置刑罪而羅

致之如罟網之設也召旻天降罪罟義竝同瘵愈風雨

同箋云天下騷擾邦國無有安定者士卒與民皆勞病

其為殘酷痛病於民如蠹賊之害禾稼然為之無常亦

無止息時施刑罪以羅網天下而不收斂為之亦無常

止已之義故箋以無止息時申成傳也

人有土田女反有之人有民人女覆奪之此宐無罪女

反收之彼宐有罪女覆說之傳 收拘收也說赦也疏 爾

雅 土田也是田亦土也覆亦反也兩無正桑柔傳竝云覆



傳瑜曰人無罪而覆入之三家詩以反收為覆入與毛詩訓同說與釋古字相通故傳訓說為赦後漢書王符傳潛夫論述赦篇引詩女反脫之是三家詩覆作反也

哲夫成城哲婦傾城傳哲知也懿厥哲婦為梟為鴟婦

有長舌維厲之階亂匪降自天生自婦人匪教匪誨時

維婦寺傳寺近也疏哲知釋言文今字通作智郊特牲云婦人從人者也夫也者以知帥

人者也今婦曰哲婦婦不從人夫亦不以知帥人國家之敗恆必由之晏子諫上篇引詩而釋之云今君不思成城之求而惟傾城之務國之亡日至矣哲婦席衰似也傾城喻亂國也○烝民傳懿美也謂衰似美而不德說文梟不孝鳥也雖也籀文作鴟凡鴟類甚多說文於舊下云雖舊或作鴟此即爾雅怪鴟也李善注文選演連珠引淮南子主術篇云鴟夜撮蚤察分豪末晝出瞋目而不見丘山高誘曰鴟鴞謂之老菟莊子秋水篇作鴟鴞是鴟一名鴟鴞也箋梟鴟惡聲之鳥與四月傳鴟鴞貪殘之鳥句法相同梟鴟二鳥名亦作鴟梟史記

賈誼傳鸞鳳伏竄兮鴟梟翱翔是也詩人以梟鴟喻褒如箋云長舌喻多言語大戴禮本命篇婦有七去口多言為其離親也盧注即引此詩桑柔誰生厲階傳云厲惡也義與此同寺古文侍傳云近者言暱近也論語云唯女子與小人為難養也近之則不孫

鞫人伎忒傳始竟背傳伎害忒變也豈曰不極伊胡為

慝如賈三倍君子是識婦無公事休其蠶織傳休息也

婦人無與外政雖王后猶以蠶織為事古者天子為藉

千畝冕而朱紘躬秉耒諸侯為藉百畝冕而青紘躬秉

耒以事天地山川社稷先古敬之至也天子諸侯必有

公桑蠶室近川而為之築宮仞有三尺棘牆而外閉之

及大昕之朝君皮弁素積卜三宮之夫人世婦之吉者



使入蠶于蠶室奉種浴于川桑于公桑風戾以會之歲  
 既單矣世婦卒蠶奉繭以示于君遂獻繭于夫人夫人  
 曰此所以為君服與遂副禕而受之少牢以禮之及良  
 日后夫人繅三盆手遂布于三宮夫人世婦之吉者使  
 繅遂朱綠之玄黃之以為黼黻文章服既成矣君服之  
 以祀先王先公敬之至也疏說文籀窮治罪人也今字  
 通作鞠伎害雄雉同說文  
 玉篇人部引詩作伎伎聲同閔宮箋忒變也本傳訓  
 也害變者謂殘害變亂也疏譖讒言也背猶違也譖始竟  
 背與巧言譖始既涵句法相同極至也至猶善也胡何  
 也疏慝惡也言窮治罪人殘害變亂數進讒言始終違背  
 所謂慝也豈曰不極伊胡為慝言人豈不欲善何為作  
 惡若此也曰伊皆語詞○易說卦傳為近利市三倍管  
 子小問篇桓公曰來工若何管子對曰三倍不遠千里  
 與詩三倍同箋云識知也賈物而有三倍之利者小人

所宜知也君子反知之非其宜也休息釋詁文荀子大  
 略篇云君子息焉小人休焉是休息義同也傳云婦人  
 無與外事雖王后猶以蠶織為事者事即經之事字蠶  
 織為事即公事也無與外事此傳申說經義非以釋經  
 之無公事也玩傳中雖字猶以字其意可見箋云今婦  
 人休其蠶桑織紉之職而與朝廷之事亦見補明經義  
 以申傳說也列女傳母儀篇引詩曰婦無公事休其蠶  
 織言婦人以織績為公事者也休之非禮也毛與三家  
 初無二意也古者以下皆禮記祭義篇文傳引之以明  
 婦以蠶織為公事之義言王后者所以刺褒姒也又類  
 及天子藉田者所以兼  
 刺幽王之不識公事也

天何以刺何神不富舍爾介狄維予胥忌傳刺責富福

狄遠忌怨也不弔不祥威儀不類人之云亾邦國殄瘁

傳類善殄盡瘁病也疏天亦帝王也與下章天之降罔

故傳云刺賚也賚者賚求備人也今隸變作責富福皆  
 從畱聲郊特牲云富也者福也何神不富何神而弗福



我乎言王之慢神也爾猶此也狄讀為湯抑傳湯遠也  
說文逃遠也古文作湯易漢上九漢其血去逃出无咎  
象傳云渙其血遠害也是逃湯皆遠也抑作湯者仍古  
文此及泮水作狄者用古文假借說文忌憎惡也與怨  
義相近正義云毛讀狄為逃故為遠也則介當訓為大  
不得與箋同也忌者相憎怨之言故以忌為怨也王肅  
云舍爾大道遠慮反與我賢者怨乎案正義依王申傳  
蓋揆下文人之云也邦國於瘁故以經之子字為我賢  
者傳意當然也○弔祥皆善也類善皇矣既醉桑柔同  
人善人也於盡釋詁文瘁病雨無正同漢書王莽傳引  
詩作邦國於頽頽與瘁同北山或盡瘁事國傳云盡力  
勞病彼傳以盡瘁平列則此詩於瘁亦平列襄二十六  
年左傳引詩釋之云無善人之謂也

天之降罔維其優矣傳優渥也人之云也心之憂矣天  
之降罔維其幾矣傳幾危也人之云也心之悲矣疏罔  
網字天之降罔猶言天降罪罟耳優讀為漫此假借字  
也說文漫澤多也引詩既漫既渥今信南山詩亦假借

作優云渥者簡兮傳渥厚也幾危  
釋詁文說文幾始也危始義相近

馨沸檻泉維其澌矣心之憂矣寧自今矣不自我先不

自我後藐藐昊天無不克鞏傳藐藐大貌鞏固也無忝

皇祖式救爾後疏采叔傳云馨沸泉出兒檻泉正出也

猶胡也言我心之憂胡不自我之先後而自今也正月  
云父母生我胡俾我瘳不自我先自我後文義正同  
傳云藐藐大兒兒釋文作也箋藐藐美也藐訓美又訓  
大義相近也方言藐廣也郭注云藐藐曠遠貌也藐同  
懸鞏固釋詁文小宛傳云忝辱也皇祖謂文武也後謂  
今也列女傳仁智篇引詩无忝爾祖式救爾訛與毛詩  
異

召旻七章四章章五句三章章七句

召旻凡伯刺幽王大壞也旻閔也閔天下無如召公之



臣也

旻天疾威天篤降喪瘖我饑饉民卒流亾我居圉卒荒

**傳** 圉坐也 **疏** 旻天帝王也旻天疾威猶疾威上帝耳蕩

瘖病也圉坐桑柔同爾雅果不孰為荒荒亦饑饉也韓

詩外傳云一穀不升謂之饑二穀不升謂之饑三穀不

升謂之饑四穀不升謂之荒五穀不升謂之大侵大侵

之禮君會不兼味臺榭不飾道路不除百官補而不制

鬼神禱而不祠此大侵之禮也詩曰我居御卒荒此之謂也御與圉通

**天降罪罟蝨賊內訌** **傳** 訌潰也昏椽靡共潰潰回適實

**靖夷我邦** **傳** 椽大椽也潰潰亂也靖謀夷平也 **疏** 傳云

潰者亂也說文訌潰也詩曰蝨賊內訌潰中止也潰與

讀同中止猶言內潰也箋云訌爭訟相陷入之言也玉

篇爭作諍諍訟陷入亦是內潰之意訌抑篇假借作虹

字昏僮昏也傳以天椽釋椽正月篇天大是椽大椽者

殘害侵削之謂合二字成義但正月言天故傳以天屬

君而椽屬在位者語雖分釋而義實合解也此云天椽

自當專指在位者而言靡不也其言不共職事也文

選文賦注引韓詩薛君章句云靡好也疑卽此靡共之

義或為烈文封靡義者非也○說文憤亂也潰與憤同

說文禰下引爾雅禰禰禰段注引潛夫論云回邪適碎

潰蓋用爾雅文是潰又通作禰也小旻傳云回邪適碎

也傳訓靖夷為謀平夷當讀如左傳芟夷蘊崇之之夷

箋云皆謀夷滅滅王之國廣雅夷滅也

**皋皋訛訛曾不知其玷** **傳** 皋皋頑不知道也訛訛窳不

**供事也兢兢業業孔填不寧我位孔貶** **傳** 貶隊也 **疏** 卽

卑刺素會也頑不知道者卽是素會之事左傳云心不

勞苦者多惰窳小旻傳訛訛然不思稱乎上是卽惰窳



之意也亦即莫供職之事也二傳辭異而意同說文云  
此竄也訛與此同正義云竄字從一音眠今說文收入  
宄部未審仲達所據也抑傳云玷缺也缺與闕通○雲  
漢兢兢業業傳云兢兢恐也業業危也瞻印孔填不寧  
傳云填久也說文貶損也尋傾覆也杜林說以為貶損  
之貶隊者傾覆之意我位孔貶言我王之位甚矣其隊  
也十月之交傳云高岸為谷  
溪谷為陵言易位也是其義

如彼歲旱草不潰茂如彼棲苴傳潰遂也苴水中浮草

也我相此邦無不潰止疏潰遂小旻同遂猶成也就也

兒箋易字而與傳無二義也靈樞經癰疽篇草蘆不成  
廣雅蘆草也蘆與苴同傳云水中浮草但釋經苴字不  
釋棲字箋如樹上之棲苴以申補傳楚辭九章草苴比  
而不芳王注云生曰草枯曰苴是其義正義謂苴棲水  
上棲有浮義失傳之惜矣○相視也潰亂也止語詞箋  
云無不亂者言皆亂也春秋傳曰國亂曰潰邑亂曰叛

維管之富不如時傳往者富仁賢今也富讒佞維今之

疾不如茲傳今則病賢也彼疏斯稗胡不自普職兄斯

引傳彼宐會疏今反會精稗普廢兄茲也引長也疏

之富不如時維今之疾不如茲時是也茲此也言管之  
富如是今之疾如此也此皆就賢者一邊說則經中兩  
不字皆語詞傳云往者富仁賢釋上句云今則病賢也  
釋下句疾病也釋文云疾字或作欠傳必於上句下句  
閒必先箸今也富讒佞一句者所以申明經文病賢之  
由而又以揆下文彼疏斯稗而為言也○彼彼讒佞也  
程瑤田九穀考云凡經言疏會者稷會也論語疏會菜  
羹即玉藻稷會菜羹左傳梁無麤有麤對梁而言魯語  
會粟會麤麤對粟而言稷饋稷饋者無尸是古賤者會  
稷也彼之者賤之詞也稗饋鄭箋指糲米一斛春為九  
斗之稗然一斛春九斗之稗與糲米校糲米為疏而稗  
則未為精也稻粳米八斗而春為七斗曰侍御精之至矣稗與疏對  
黍粳米八斗而春為七斗曰侍御精之至矣稗與疏對  
文疏為稷稗其禾黍歟禾別曰稗黍別為稗文選七啓  
芳菰精稗李善注云稗與稗通傳云彼宐會疏今反會



精粹所謂今富讒佞也昔廢楚茨同廢猶退也周禮大宰七日廢以馭其罪此傳廢字之訓也職主也傳訓兄引為茲長職兄斯引言其獨主祿茲長也下章云溥斯害矣職兄斯宏言其遺害主茲長也常棣兄也永歎傳兄茲也永長也桑柔倉兄填兮傳兄滋也填久也茲與滋同凡云兄者皆滋益之詞兄永兄填兄引兄宏竝連文得義故此及常棣桑柔傳茲也也字當衍

池之竭矣不云自頻傳頻厓也泉之竭矣不云自中傳

泉水從中以益者也溥斯害矣職兄斯弘不裁我躬疏

瀕訓厓厓水厓箋瀕當作濱列女傳作濱瀕濱古今字說詳采蘋篇俗省作頻傳云泉水從中以益者釋經泉自中之義益古溢字自訓從與皇矣同言池竭自厓泉竭自中耳不云皆語詞猶溥言維日皆語詞也池瀕泉中對文中猶內也中為內故箋以厓為猶外言池竭喻王政之亂由外無賢臣泉竭喻王政之亂由內無賢妃列女傳續篇引詩云池之竭矣不云自濱泉之竭矣不云自中成帝之時舅氏擅外趙氏專內其自竭極蓋亦

池泉之勢也鄭箋正本三家詩以申明毛義也○溥大也弘大也不裁裁也不亦語詞

管先王受命有如召公曰辟國百里今也日蹙國百里

傳辟開蹙促也於乎哀哉維今之人不尚有舊疏關正義

云詩有六字一句者管者先王受命有如召公之臣之類是也據此則經文少三字序云閔天下無如召公之

臣召公下亦有之臣二字先王謂宣王也召公謂召穆公也辟古闢字故傳云辟開也管者宣王受命中興復

文武之竟土輔佐之者有如此召公之臣是以日辟國百里江漢篇云江漢之滸王命召虎式辟四方徹我疆

土匪疾匪棘王國來極于疆于理至于南海鹽鐵論地廣篇亦云周宣王辟國千里是其事也蹙當作蹙訓促

小明同○尚讀與上同維今之人不尚有舊言乃今之人不上用舊臣也案此章以管先王今之人對文與六

章管富今次對文同意管為往管今為今時上傳云往者富仁賢今也富讒佞召公之臣仁賢也富仁賢尚有

舊也不富仁賢而富讒佞不尚有舊也文義本是一貫則經言管先王不必遠舉文武時明矣召穆公在厲王



之朝作蕩詩凡伯作版詩云老夫灌灌又云匪我言  
 老則厲王之時凡伯已為耆舊老臣厲王流彘召穆公  
 有立宣王之大大功而凡伯之後亦世入為王官至幽王  
 之末年政又大壞宣幽之際皆其所見所聞者故慨念  
 管宣之盛今幽之衰  
 乃作此詩以刺之

卷二十五終

武林愛日軒朱兆熊鐫



卷之三